

猶里氏
原撰
法蘭西志

高橋二郎抄譯

下

和装本

リ 9
4693
2

75

70

65

60

55



法蘭西志卷四

千葉縣 高橋三郎譯述

宮城縣 岡千仞刪定

鷹島縣 重野安繹

愛媛縣 藤野正啓

後加頒的氏記

自一千三百二十八年至一千三百六十四年

六世非立承王統

六世非立者瓦羅亞侯查理子三世非立王之孫也及羅歐丹王兄弟相尋短世國人迎立為法蘭西王

同是加頒的氏而史氏分前後者以其出于支宗也猶同一劉氏而分前後漢

9
4593
2

按此法為民
產授受而設
國人相傳為
王位受禪亦
然

是為一千三百二十八年蘭德人叛王自將征之蘭
人據甲薩山拒戰王放火城市四出鹵掠蘭人謂可
乘下山敷陣我兵合擊破之斬首一萬三千級威震
國中英王三世義德瓦為我四世非立王外孫聞法
國議嗣自謂我當承統既而聞國人立六世非立不
悅遣使責讓曰法國誓文有禁立女主之語而無禁
立王女所生之文我於四世非立王外孫也法國無
嗣我宜入繼法人以無立外孫之例答之英王大怒
遂自稱法蘭西王鑄王璽佩之一千三百三十八年
自將寇比利斯王觀其競甚不敢抗英兵所在侵畧

兼王二國自
是歐土一種
國休如芬瑞
典挪耳田二
國推戴一王
是也

英法百年之
役

置戍而去王練武四年盛募舟師截英兵歸路英兵
固長水戰戰數合我軍大敗陣沒者四萬人英兵死
者僅四千人王收殘卒堅壁固守英軍糧竭引退王
進畧哥也納英兵來救不及自是二國兵連不解凡
九十餘年世謂之英法百年之役

格利西之敗

一千三百四十六年英王太舉入寇先遣太子黑王
子將兵三萬攻諾部諾人不支長驅而進列城望風
奔避如行無人之地英王太軍直衝巴里府王盡國中
精銳得十萬人斷其歸路英兵轉向比利斯我軍

文極變幻之妙不如此則不足寫此一大戰

格利西之敗

追擊英王將血戰決雌雄駐軍於格利西分兵為三隊與黑王子各將一隊屬一隊於其貴臣親巡列營勵以忠義人人感奮已而法軍至旌旗蔽天英軍望見稍有畏色是日日蝕大雷雨英王曰天助我也鼓噪而進比兩軍接鋒天忽晴英王列大砲於陣前吶喊齊發法軍狼狽崩潰死者三萬七千人伏尸山積列侯貴族死亡殆盡王與從者五人乘夜間行達一壘砲兵聞叩門聲急出見則王也壘將大驚出迎自

火器盛行兵制一變

我邦元龜年間薩人得火器雄于九州至天正北條氏傳火器於關八州甲越之稱強以並用火器也而鎗鈴者流專以刀槍為我邦長技真可笑使我邦人當此則必請敵自殺以濟眾命

意制硝藥試之功用如神是役英王用之實戰奏一大奇功自是列國爭傳製造日精大小砲盛行于歐洲高城深池堅甲利兵無所施其用兵制為是一變加勒斯陷

英軍乘勝北攻加勒斯加勒斯與英國隔海峽相對商旅輻湊為法國咽喉之地城將歐士丹晨夜防戰無少挫色英王以其不可俄拔築長壘環守以一軍絕其餉道城兵糧盡屠犬馬食之歐士丹慨然曰以一孤城之故殘害將士我不忍為與從兵六人徒跣出降城遂陷是役王召太子約翰於諾部又徹哥也

國王置私邑亦歐土風俗

納兵會援而大敗之餘。士氣沮喪。不能有為。乃割加勒斯行和。是歲疫疾盛行。染者藥石不效。束手待斃。名曰黑癘。自亞細亞西部漸傳。歐土巴里一府死者日五六百人。轉染入英。自蘇格蘭至哥林蘭諾威。全歐州死者二千五百萬人。大約人口減三之一云。

六世非立王殂

一千三百五十年。六世非立王殂。王憂僧徒橫肆。輒立一法令為僧徒所虐者。得詣廷控訴。是害頓除。王又謀知鹽賈占贏利。設法徵稅。得金巨萬。悉散之買滿普利多弗內二地為私邑。私邑東南達亞山。國會

國會限王權。歐土良法。教原裕曰。兵之不可用也。乃如此。豈豈在遠。

非王屢創新法。立約曰。自非國會眾議所與常賦外。不得增分寸。自是稅法一定。無復培克之患。然而英釁一開。連年用兵。國計不足。鑄惡錢給之。猶不足。更鑄錢量不一。姦濫百出。商賈不行。國會無如之何。

波亞地之敗

一千三百五十年。約翰良王立。王淫昏。不用心於政事。國勢日衰。英國愈侮。我遣使謂曰。我不復擾法國。唯屬邑在法國者。我永王之。王不聽。一千三百五十五年。英國令黑王子將兵六萬寇波耳多。進至牛嶺。畧土耳其斯火城市村落。凡五百所。大掠而去。明年黑

波亞地之敗

黑王子善用兵

比格利西之敗亦甚其前古所無近年那波倫三世大敗比此更甚

王子再寇王自將拒之於波亞地兵甲鮮明軍營太盛謂一戰可以勦英軍也而英兵深溝峻壘蓄銳不出法軍見為怯輕之九月十九日約期交戰黑王子臨陣令軍威容凜然操縱有法戰數合我兵辟易退合後隊後隊亂不可制英兵乘機急擊全軍崩潰王及太子為英軍所獲左右貴臣悉皆窘窮就擒法伴眾於英戰士法國震懾

國會黨

自英人入寇連戰失利國中洶洶人心無主及王為俘共和論盛起巴里人埃知安馬塞耳列恩僧魯伯

法國共和論始于此

一箇楚懷王他日恢復胎于此所謂楚三尸亡秦者

兒難等發議曰王權微弱不足以立國不如歸國權於國會以眾論為政眾多黨之一千三百五十六年國會黨遂逐太子查理斥諸異論者國內騷然既而土寇蜂起所在大亂諸貴族舉義兵討國會黨於摩城破之黨兵退保巴里府義兵進圍之黨兵窘窮乞援於那波耳王王陽應率兵入巴里府通謀義兵擒埃知安等戮之亂平法王日夜思歸英王要王曰割法國北自羅亞爾河南達牛嶺地方若干里及納黃金一億八千萬則還王王悉許之一千三百六十年王至自英割地如約國勢愈蹙遣王子安如侯為質

既而遁歸。王恐負約。自往為質。遂殂于英。

自一千三百六十四年至一千四百五十三年。

五世查理復舊地

一千三百六十四年。五世查理王立。王稱羅哈爾的。為人英邁。慨然有恢復祖業之志。舉不列太尼人都克士蘭與之圖議軍事。養兵節用。士氣一振。人思自效。至是聞英王已老。黑王子亦病。大悅曰。此天授我也。出兵攻英兵守新疆者。英國大舉來侵。兩道並進。自加勒斯達波耳多。王用克士蘭之策。使諸將避實衝虛。不敢決戰。會加西的耳舟師來援。與之合兵。要

英海軍於魯沙爾大勝。於是約翰王所割地悉復。唯加勒斯波列士波耳多買內尚為英守。

五世查理王殂

是歲五世查理王殂。王在位十六年。挫強英。雪國辱。稱為中興明主。生長于兵馬之間。不廢文學。作書庫。藏珍書九百餘卷。定立嗣之法。曰。太子不滿十三歲。不得即位。蓋防權臣擅政之漸也。先是國會平時閉院。有事徵集。至王廢閉院法。呼曰。永會法。最用心。海軍益密其制。航海之法日開。弗人航大西洋。至亞弗利加西南。檢出哥約濱海。開互市場。其地位于赤

五世查理稱中興明主

永會法

道下。天時炎熱。產沙金象牙。法人轉鬻諸四方。博大利。法人爭事航海通商。始于此。

宗室專權

一千三百八十年。六世查理年十三。襲王位。委政于叔父安如侯。安如侯傾府財。伐那卑耳。宗室列侯不悅。群起爭權。法國被英兵以來。列侯暴斂。供軍需。民不堪命。結黨作亂。於是稜克德有德支安黨。巴里府有馬歐丹黨。發蘭德人逐其君阿涼人亦以事相爭。國中騷然。一千三百八十二年。王興師討發蘭德人。戰于魯比哥。破之。轉攻克德耳侯克之。遠近震駭。四

五世查理創十三即位之法。防其亦密而抔土未乾。有宗室之亂。法之不可恃。如斯也歟。

暴虎馮河。萬無可為之理。

方。及亂漸定。王侈然自大。將航海攻英。令國中出舟師。屯大軍於加勒斯。加勒斯距英德伯兒十餘里。艤艫連接。可步而度。而軍需巨萬。國力殆竭。異議紛起。遂不果攻。王為人暴戾。有故捕比里侯。臣比知薩哥。焚殺之後。病狂。不為政。諸侯愈專橫。不爾給農侯與阿涼侯隙。使人刺阿涼侯於巴利市上。曰。除昏克。豈暇顧宗親。亞曼克侯嘗養阿涼侯子。為嗣。聞之大怒。舉兵討。不爾給農自是二侯構兵連年。

英王兼王法蘭西

英王五世顯理。見法國日亂。將乘其弊。一千四百十

巴里人雖云
惡阿涼黨以
國貴敵甘為
之臣民不情
亦甚自古奸
人賣國則有
未聞國民賣
國黨派之害
可畏哉

五年率兵三萬戰艦一千五百隻攻哈弗旅下之諸將以軍疲將及師英王不聽親率一軍間道自加勒斯至宋河口兵不盈萬法軍五萬比格列西備之一夜大雨英王潛兵襲擊法軍大潰王族七人貴紳八千人死之先是阿涼侯殺白根的侯白根的侯子奔英巴里府人深惡阿涼侯黨遂因白根的侯子請降於英王且請英王納法王女為妃兼王法國子孫世王英法二國英王大悅入巴里廢六世查理王居王宮聽國政是為一千四百二十年英王既兼王法國留其弟歸英一千四百二十二年塞納河南諸部奉

歐人編史專
屬眼開化進
步故每制作
發明必書之

查理王太子七世查理起義兵撫格蘭王亦出兵援之攻巴里府英王弟死之英王聞警來伐法軍敗走英王謂非張兵威則不可以鎮及覆人心率太兵而入途病死子六世顯理立稱英法二國王是歲法王六世查理殂在位四十二年王時約翰德伯始作膏畫描寫萬象真逼造化又有一卒作小銃火器愈精烈女約翰亞爾格復法國

一千四百二十二年七世查理王即位於波亞地是時法國版圖悉皆沒於英獨西南諸部猶為王城守一千四百二十八年英兵度羅亞爾河長驅而南四

烈女約翰亞爾格奮戰却敵

使有鬚兒死

女兒善戰我有韜繪文那有木蘭而比約氏忠憤激烈回天日於已傾何啻尺

方望風降附全法悉叛王道保阿涼孤城英軍四集環攻山河皆兵城陷在旦夕烈女約翰亞爾格衝圍入城奮戰却敵挽回國運初約翰亞爾格族本卑賤出野牧羊觀英兵放火掠財物切齒不禁慨然以掃蕩英軍濟國人誓上帝自是居常忽忽如病狂一日語人曰神命我勦絕英兵聞者大笑約氏時年十九男裝環甲胄騎馬疾馳至阿涼見王於圍城中陳恢復之策王大喜授將印督軍事約氏奮不顧身登壇誓眾辭氣慷慨聞者感動時阿涼受圍數月饑道四絕軍皆菜色約氏乃提一軍開城門突戰咽啞叱咤

木於岑樓如約氏求之於萬國史籍不特女子無其人男子亦不可多得

敵陣披靡分軍為二隊約氏驅出中間奪糧入城城兵為之生氣始有守心自是約氏屢從壯士出戰戰必有斬獲將士奮激勇氣百倍皆誓與國家共存亡敵人畏約氏如神明年五月八日英軍量勢不抗遂解圍退軍於是約氏名震於天下王愈寵約氏守以閩外機務約氏既以性命為塵芥每戰先士卒胃彈丸所向無前遂擒英驍將大爾伯法軍益振明年誤為英人所擒英人誣以妖妄投之烈火焚死自約氏死戰鼓舞士氣義兵四起驅逐英兵英兵累敗一千四百三十五年不爾給農侯叛英來附明年法兵復

巴里一千四百四十八年復靈昂加安發勒斯塞伯
耳諸地翌年大戰于葡迷尼破英軍進復買恩內波
耳多自是英軍一蹶不能復振一千四百五十三年
英兵退保加勒斯法國全疆悉定是歲土耳其王二
世馬伽默起于小亞細亞勢遠強大遂攻孔旦丁陷
之殺東帝孔士丹丹東羅馬滅

土耳其滅東羅馬

自一千四百六十一年至一千五百十五年

七世查理王殂

一千四百六十一年七世查理王殂在位三十九年
王奮起于圍城之中百戰復舊域以創立中興之大

查理有三傑

業是時列侯各割邑土自殖阿涼不爾給農貌爾本
安如葡亞亞涼撒貌爾太尼亞伯爾亞曼克等諸
國最强大輒抗王命而王委任賢臣使人人得竭其
才熱克格兒長于理財王委之金穀出納之權約翰
比魯善火技常將銃隊任德侮之責黎西門長于料
敵王延之圖議軍國大計此數人以出群超倫之才
同心戮力謀無遺算舉必投機嘗開國會於土耳其
與巴里議院並立西疆以為便置常備軍改革兵制
武備完修經國有法故終王世雖有強國巨藩窺其
隙遂不能逞其志國常昭然晚年漸侈又忘熱克之

勞以少過貶謫頗來輿論是時有吉丹伯兒者始印
刷圖籍以行人人便之

十一世路易王併侯國

十一世路易王以七世查理宗統入襲王位是時宿
將老臣前後凋謝侯國侮王新立合從謀反王將兵
戰於葦列里不利割諾部于弟查理比加的于不爾
給農埃丹普于不列太尼以和一千四百六十八年
列侯謀再舉國人大會土耳斯群起助王王大得氣
勢攻諾部取之轉攻不列太尼諸府不列太尼侯出
降利以地人奉不爾給農侯攻王王戰敗請和不肯

亦一個女將

幽王於寺塔既而要王盟誓遣歸不爾侯彌驕逼日
耳曼帝請冕服一千四百七十一年不爾侯入侵女
將約翰哈塞都邀擊之於薄伯破之一千四百七十
五年不爾侯與英王四世義德瓦合兵入寇王賄金
帛退之不爾侯又侵羅萊內尋死於灘西侯有一女
王固執撒里哲約拒其立女因併其地日耳曼帝妃
摩吉支安不爾侯女也聞之大怒以兵來討王拒之
於哥內牙士不利會妃卒休兵王憂侯國跋扈百方
削弱以收其權取哥也納比爾義誅亞曼克侯繫亞
連侯削不列太尼地與阿涼貌兒本二侯通婚約二

侯國削弱國內大定

不如此何以奪諸侯之權此數條治績之眼目西人

侯死之日納其地又併普魯溫斯迷納安如羅西勾塞太尼馬岡捏加落勒威克塞魯佛朗沙根的雅多亞布羅尼亞曼克埃丹普聖玻爾內莫耳畢革地等國內大定

十一世路易王之治績

十一世路易王為人外溫內剛持法嚴酷嘗增賦稅民庶不悅王執抗命者悉絞殺之盛尼布囊書之曰汝等死法能使我法行投之河水其不假法如此侯國民受理者置局覆審又許國民納財置兵卒與貴族無異開郵信修道路通商費均度量招職工於威

常務實用漢人常事虛名承之強弱人民之智愚天地懸隔職是之由

帝守法不少假借而有是言寬容固非弛縱之謂

明地球圓體之理而後日月五星寒暑循環之理可推究也歐洲學術漏盡天

尼斯熱納普魯連等教民養蠶紡績之業興大學於瓦涼西波耳多貌爾地三所法律鑿術皆設專門學校鴻儒碩學前後輩出詩歌則有威恩氏史學則有孔美納氏皆為一時名家一千四百八十三年王病殂于普列西列城病漸召太子查理遺言曰不知含容者不可以君於人世為知言

八世查理王即位

八世查理王十三歲即位王姊安德薄如攝政貴族陰懷異圖安德發兵戮之又擊阿涼侯於聖歌萬破之不列太尼侯納女為王妃并納其地安如侯以伊

八世查理王即位 查理王南征

地之秘者無
他以此
大發明也

太里美蘭附王一千四百九十二年伊太里人閣龍
航大西洋檢出亞墨利加洲始明地體圓轉之理航
海之術物理之學日愈精竅自西羅馬亡至閣龍檢
出新地一千年間稱曰中古

八世查理王南征

王聞羅馬法皇五世亞歷山夫人心意謂南土可畧
也昔族亦贊成之乃與羅西匈塞太尼於西班牙法
朗根的於奧地利結二國之驩一千四百九十四年
大舉踰亞山圍的蘭的蘭降乃以其兵為先鋒攻普
魯連降之進攻羅馬府民群起逐法皇納我軍轉攻

近交遠攻

八世查理自
掃羅馬東帝

那卑爾那卑爾王狼狽不戰而降王自號羅馬東帝
那卑爾耶路撒冷王欲長驅蕩平希臘土耳其耶路
撒冷未發奧地里加斯的爾威尼斯諸國恐法日強
大奉法皇襲法國王聞警附兵一萬其將西耳比耳
封那卑爾王鎮羅馬及兵至太羅河敵兵四萬據險
截路法兵不滿萬王自督眾權鬪却之遂全兵而凱
旋西班牙王非難加特力攻那卑爾西耳比耳敗走
次將歐比義護兵而歸西班牙取那卑爾王將再舉
畧南土一千四百九十八年在安薄亞城治兵一夕
行闇室中觸戶傷額而殂在位十七年歲二十八無

賊軍萬里取
人國非不能
取不能守也

子阿涼侯十二世路易入繼。

十二世路易王征伊太里。

十二世路易王出于五世查理王五世查理王第二子路易封為阿涼侯號瓦羅阿涼娶伊太里美蘭王女生查理查理生十二世路易王至是入襲宗國王統王謂我為美蘭王外孫宜併王美蘭一千五百年自將攻美蘭擒美蘭王蘓法兒又攻那卑爾西班牙分其地既而西班牙與那人合兵來攻我將伯亞兒力戰不利一千五百四年王會西班牙王于伯羅行成約嫁女克魯德割貌列太尼不爾給農地合美

蘭于法國已而悔之婚女克魯德於安克連侯開公會於土耳斯以抗西一千五百八年王與法皇奧帝謀取威尼斯分其地威尼斯伊太里北部傍玻河臨亞得里亞海當航海互市之衝富盛冠南土國休推賢任政號曰威尼斯共和既而威尼斯人反王與之戰于亞尼的爾破之威人詐降待變法皇奧帝嫉王功轉攻法一千五百十二年我將牙士頓破二國兵於烈灣內明年戰于諾華爾不克遂失美蘭是年英寇亞都亞西侵那華爾瑞士攻不爾給農我兵與英戰於哥納駕都大敗邊疆騷然於是王與諸國誓曰

錢貨鑄王面
既久矣見史
遷西南夷傳
蓋西人以其
所欲仰者錫
之國寶以示
不忘魯國鵬
錢款土面貨
此也亦足以
知其數飛矣

法不復出兵伊太里諸國一千五百十五年王殂年
五十三王寬厚愛民任政於賢相沙外安薄覈刑名
節國用薄稅斂國人悅服稱王曰國爺皆曰法國無
此政殆三百年錢貨鑄王面以行

自一千五百十九年至一千五百七十五年

法西構兵

十二世路易王無子一世法朗蕪亞自安克連入繼
王統王五世查理之後五世查理生六世路易封之
阿涼侯有二子長查理次約翰約翰封安克連侯生
查理是為王父王已立將取伊太里美蘭以兵三萬

羅馬衰而主
耳西班牙盛土
耳西班牙衰而
英法盛今也
英法鋒銳稍
鈍而魯晉較
駿日盛余未
知鹿落誰手

南征與瑞士戰於馬利安敗之瑞人恐請和尋美蘭
降先是西班牙王遣其將非難古兒的比薩耳等伐
米基斯哥白露諸國併有之地互東西國力富强雄
視四方一千五百十九年日耳曼帝崩西班牙王遂
自稱日耳曼皇帝又霸米蘭伊挪奧五國勢威赫奕
有大一統之勢王不悅命其將巴亞爾與瑞西合兵
伐伊太里戰于比哥格克之英人與發蘭人乘間侵
比加耳的貌爾奔人亦叛我將薄尼威與貌人戰于
比亞刺西不克伯亞兒死之貌人圍馬爾塞馬爾塞
在羅內川海口為一大都府府民堅守不屈王督兵

法西構兵

天下者天下
之天下國主
者天下之所
立納稅非奉
王為己也死
戰非勤王報
國也故王割
地民不與王
雖亡國尚存
可見歐人自
主之權

赴援。貌人敗走躡北。至伊太里。巴威。貌人與日。挪人
及數。勢聲頗盛。人勸王退兵。薄尼威自旁叱之曰。法
王有進而無退。既而敵軍四集。王先士卒奮戰。斬七
人。敵圍數匝。軍遂大敗。王出降。西班牙軍。西班牙檻
致王於馬德里。求其割不爾給農。王諾之。乃歸王國。
會不肯曰。割地國家之大事。豈王一人之所能為乎。
不與。西班牙人大怒來攻。王聞。西班牙王不悅。新教
徒使人誘其徒內應。又說土耳其王侵日耳曼東邊。
土耳其王二世。燕里門。大舉攻奧國。圍維也納。西班
牙受敵狼狽失措。乃割亞多亞。發蘭德。行成。一千五

後方分白以

歐土以百戰
鼓舞列國活
潑有為之氣
日夜磨厲不
少銳其鋒銳
此所以致令
日之富強又
所以致今日
之文明

百二十六年。西班牙寇我。不路溫斯。大掠去後二年。
西班牙航亞弗利加。攻亞耳惹耳。王乘其虛擊伊太
里比。以門勝之。西班牙侵我。賞巴尼。英人又寇比加
爾的。拒戰却之。於是西英各國會于克列卑。使法國
棄美蘭。那卑爾。發蘭德斯。三國取比以門。薩薄亞。二
國事乃平。

一世法朗燕亞王殂

一千五百四十七年。法朗燕亞王殂。子二世顯理王
立。法朗燕亞王好奢侈耽娛樂。剛愎自用。人心不服。
然天性勇武。善用兵。屢挫強西使之不能逞。梟張論

一世法朗燕
亞王淫蕩常
曰朝無婦女
猶歲無春花
無蓄積召諸
州高貴婦人

世法朗燕亞王殂

置之廷中。王及侍臣就而遊逸。

教原裕曰。吾邦古語。大那古文。亦與羅甸同一病。艱深自累。殊甚。况吾邦乃併而兼之。文學之不開。更有淵源。近自有棄漢字說。皆附之空論。誠安得起。法朗燕亞於泉下而管之。

萊河橫歐土之中央。限隔

者。偉之。平生用心于武事。與諸將議定。編民兵方法。行之國中。給金日瑞。兵卒自備。號曰傭兵。開給不耳港。練海軍。屢攻英邊海。英海軍遠巡辟易。不敢抗法。國文書多用古羅甸語。以為雅馴。其文與平生言語不同。徒勞學者。至王時。學士始因法國語言。改定文法。務令人人易通。易學。自是法國文學。遂開。

法西始和

顯理王已立。謂巴里偏在北方。密邇敵境。不合東北諸部。以萊河為阻。不可立國。於是與日耳曼新教徒謀攻羅萊內。取墨士多爾威。早堤威。耳堤。為日耳曼

東西其地四通。五達猶韓魏之郊。故法日歷世爭之。前年之役。日迫法割其地。法之不利。莫大於此矣。

所有七百餘歲。至是入法。一千五百五十二年。日耳曼帝怒。以西軍來攻。哥德侯善拒。固守二年。遂大破西軍於凌地。日耳曼帝歎曰。朕老無能為焉。乃傳位其子二世。非立非立。繼遺志。大舉來攻。戰于聖昆。且敗走西軍。進陷加勒斯。時哥德侯征那卑爾。聞報還擊。大破西軍。復加勒斯。會西有教徒之亂。非立請和。會于加多。于伯列。以成法西構。兵六十餘年。至是始和王。與群卒騎而試劍。誤傷。遂殂。太子二世。法朗。燕亞王立。自法英和成。至是百年。外盛貿易。內改制度。又大開墾。亞米利加地方。紀綱一新。歲入日盛。既而

教法之亂起國勢一頓不復振

新舊兩教相爭

教原裕曰以我台徒之亂真宗之禍猶當世英雄若織田豐臣德川三氏未如之何終無勝算況如歐洲各國主自當苟面禍毒之劇可想也已聖經亦有地獄說二教之亂是教祖自投百萬生靈半修羅世界

先是薩撒有僧勒的兒者駁羅馬教失教祖之旨創立一教號曰波羅特士但教諾亞恩人如耳萬傳其說法人靡然從之其徒槩非羅馬法皇借教權擅威福不敢奉法皇約束法皇憂之嚴刑懲其徒而信者益眾二教各樹黨派互相攻擊如水火不相容二世法朗蕪亞王即位新教徒請王親為教長以振其教王許之不爾本侯族孔德侯有異圖乃與新徒合以哥德侯固執舊教謀除之哥德侯聞之急治其黨殺

也亦洪水後之一太厄

基督以磔死開教法故其徒以死教法為第一義新舊之爭以人命為草芥殘忍無不至使基督聞之天上亦悔其造無限罪孽

一千二百人執孔德侯論罪當死會王殂得免死一千五百六十年王弟九世查理即位年甫十歲太后攝政王好詩哥耽畷獵不甚用心于政事孔哥二侯日爭教派勢不相容太后憂之為開教會於波亞西欲止教徒之爭而新徒勢日盛國中寺院變為新教者二千一百六十寺哥侯見舊教日替心不甚樂一千五百六十二年遂起兵與新徒戰于多爾破之王族那瓦爾王死之明年新徒殺阿涼侯法朗蕪亞一千五百六十七年舊徒與新徒戰于聖德尼破之殺蒂馬連後二年戰于熱納格新徒大敗孔侯死之新

法蘭西卷四 後分白民紀 新舊兩教相爭

耶蘇十戒禁
殺人新舊同
異相距幾何
而互相殺戮
不少相憐此
亦耶蘇之罪
人

徒魁古利尼改兵制大募士卒東西中部諸城多應
之新徒又振自教徒亂起前後十年名侯猛將多斃
鋒鏑太后竊謂諸侯相爭王家之利也於是觀舊徒
無復足畏者欲殺新教之勢一千五百七十二年謂
那瓦爾王顯理曰願以我女為王夫人顯理信之來
見太后乃禱其王位幽之宮中又捕古利尼斬之
今國中戮新徒新徒刑死者數千人號哭之殷達于
四境一千五百七十五年新徒蜂起攻王王軍不支
設會壇于羅塞誓眾曰不復雙新教徒後數月王殂
王固信舊教其將暝深悔羅塞之誓遺命曰舉兵滅

新教徒

三世顯理王見弒

先是九世查理弟三世顯理為波蘭人所迎立聞九
世查理殂遁歸即王位王淫虐不留意於政事紀綱
紊亂人心離散滿勒格為舊教魁亞德烈為新教魁
日夜黨爭土寇隨起王不能制之哥德侯見王勢微
竊懷異圖遣使西班牙連和西王二世非立為侯備
金穀於是王奉新教宣言曰法王歷世奉舊教至
王奉新教不宜王法國諸奉舊教者踊躍叛王歸哥
德侯弒曰神聖黨勢甚熾當是時奉舊教者巴里阿

爭教法是名
爭王統是實
名實混合遂
為一大亂

涼馬塞里波耳多土耳斯奉新教者刺羅捨耳奔多
藩尼摩等皆唱民權同一之說誹謗君主國體主張
共和政事百千為群不肯奉官府政令哥德侯權愈
盛遂以兵威脅王伐那瓦耳又竊令諸府莫助王王
窘窮追悔改宗教而不及自是那法兵連不解者十
餘年一千五百八十七年王弟安如侯死哥德侯大
悅曰那瓦耳王奉新教不可王法國王法國者獨有
安如侯而侯已死他日嗣王位者非我而誰將蒞時
舉事時羅馬法皇以那瓦耳王背舊教擯斥為教法
敵新教寢衰日耳曼固奉新教聞之曰禍福相與教

心算相反

祖之道也乃發兵援那瓦爾王法王乃遣哥德侯當
日耳曼軍別命寵將德愛武斯伐那瓦爾意謂哥德
侯當日軍必弊而德愛武斯破那瓦勢日盛我可乘
是間平定法國也既而德愛武斯戰于克上刺敗死
哥德侯大破日耳曼於安諾王憂苦不知所出至是
哥德侯聞王素謀大怒令人逼王奪兵權後幽閉王
一室一千五百八十八年法王道至波羅亞開國會
謀回復哥德侯與加耳的爾哥德至波羅亞王執殺
之巴里府議士大怒共議廢王王奔那瓦爾請兵圍
巴里哥德侯弟米安固守不降一夕法王出巴里至

聖克魯魯教僧熱克格烈滿竊懷異圖尾王窺間王馬跌車止格烈滿超躍上車武王左右驚救不及捕格烈滿誅之後加頌的氏至是而亡歷世十三經年二百六十一

論兵之功用尋常套論唯說出抗抵力三字奇創驚久

論曰凡物有抗抵力而後可以神其功用也電氣之逸書信於瞬息之間以燥濕二質為之抗抵力也瀛氣之走舟車於萬里之外以水火二質為之抗抵力也異哉抗抵力之神功用也夫兵者人民之抗抵力也余讀前後加頌的氏記而後有知用兵之奏功用於天下極為神異也蓋前加頌的氏承戰國之餘僅

前加頌的氏論贊不及十字軍蓋待此論也亦見作者苦心

守封域耳而十字軍一興橫行萬里絕海出入百戰死地眇然如不少關意者歐洲全勢一變地中海長為百貨輻湊賈舶群逐之地矣後加頌的氏有英法百年之役而後講究航海發明火器兵鋒百鍊萬國辟易遂至往來亞弗利加南部通商赤道以南之蠻邦其他日贊亞米利加獨立開五州交通之一大偉業者亦唯源于此二役振起人民抗抵力也世謂戰危事兵凶器此特言用兵之害耳若就其神功用於天下者而論之安知危事凶器非祥雲慶星乎

我邦應仁兵亂以後海內無一寧日及豐關白為政遂至用兵朝鮮亦是振起抗抵力之所致

法蘭西志卷四
[Faint bleed-through text from the reverse side of the page]

法蘭西志卷五

千葉縣 高橋二郎譯述
宮城縣 岡 千仞刪定
麁島縣 重野安繹
愛媛縣 藤野正啓 批評

布羅本氏紀

自一千五百九十年至一千六百四十三年

四世顯理為法蘭西王

布羅本氏出於九世路易王第七子魯伯兒克列滿
世為布羅本侯至安德諧取那瓦王女遂并其地國

出財收土權
謀之得者若
戎邦三百藩

勢漸强大。其子曰四世顯理。有英才。竭力民事。大得人心。及三世顯理。遭弒。為國人所推戴。即法蘭西王位。王奉新教。貴紳奉舊教者不悅。竊奉布羅本氏族為僧者。稱十世查理。西班牙主二世非立。羅萊內侯米安納亦覬覦王位。屢有異言。一千五百九十年。王與英王依撒伯合兵討羅萊內。大破之。羅萊內民會皆屬望於王。爭論羅西二統不可于王位。侯乃請和。一千五百九十二年。王以國民多不悅新教。改奉舊教。舊黨歸心。巴里府民不用兵而降。法國封建為治。侯伯封邑。居全國半。王大發府庫。施與列侯。論旨納

辨識時勢
還藩籍真萬
國所無

土阿凌諾耳曼二侯。首納封邑。列侯仿之。王邑日廣。政權漸振。一千五百九十八年。與西班牙戰於佛泉。破之。遂復亞眠府。西主二世非立懼。請和。乃定西法國界。一千六百一年。薩窩亞侯納伯列西。比的一邑。王英邁有大志。常觀邦國分裂。民不聊其生。慨然曰。王侯五爭國土。何益於天下。萬民我將逐。土耳其魯西亞於亞細亞。驅英吉利於海島。移匈牙利。以摩波蘭於中歐。廢蘭伊埃為一共和國。推立日耳曼王族中賢者為皇帝。開一大議會。國撰代議士。與之議定大政。平定全歐。開四海一家之國體。與億兆人民。

亞歷山帝後
始有此一大
英畧之主。然
是計可言而
不可行者。以
那勃列翁一
敗謫死。可觀

沙里經濟母
耕收果非菜
公羊劑晏輩
懸遷逐利之
比
木原元禮曰
曰使得一雞
肉曰耕牧國
之母語質而
意悃不似開
明國人之語

休息于無事。日與大臣圖議進取之策。一千六百十年。王親將精兵四萬北征。將有所大為。至勿崙里。為兇徒刺威克所弒。眾執刺威克車裂之。王在位二十一年。常憂民產不立。曰願使國中農夫每安息日得食一雞肉矣。即位之時。國債三億。歲入僅十五萬。不數年。府庫充溢。償國債二億。年輸麥他國若干斛。舉巴里人沙里任國計。沙里節財用。勸農桑。使國中無貴賤家畜牛羊。具犁鋤。曰耕牧國之母也。後之談經濟者多稱沙里。

瑪利妃攝政

黎捨顛一生
事業不出此

四世顯理遺弒嗣王十三世路易猶幼。其母瑪利美的細妃攝國政。妃寵伊太里人孔支尼。舉為首相。國人不服。一千六百十四年。諸侯連合舉兵。瑪利妃大懼。出金帛。行成。諸侯益橫。王年漸長。知孔支尼為厲階。一千六百十七年。戮孔支尼。遷瑪利妃。舉婁納為相。尋為元帥。婁納漸弄政權。輿論不歸。瑪利妃舉兵攻王國內。大亂。新教黨乘亂謀廢王家。為共和政治。王與之戰。二年。婁納死之。既而與瑪利妃和。一千六百二十二年。舉勒孫僧黎捨顛為議官。黎捨顛聰明。達治國之體。在議院論制諸侯。挫寇敵。張國威。言至

三者

黎捨顛逐王
母王弟抗諸
侯之兵不少
顧嫌疑者有
許國丹心足
取信天下後
世者也

切實王知其可用為首相一千六百二十五年新教
黨據落沙島起亂黎捨顛以軍備未整行成乃造戰
艦編海軍訓練四年攻落沙島英國庇教黨黎捨顛
築堰海上數十里截英兵援路島兵敗潰進取普利
威亞勒教黨悉平黎捨顛將立威信振起顛綱執貴
紳侯伯不用王命者戮之既而得瑪利妃及王弟牙
士頓與叛黨通之狀黎捨顛曰姦慝在宮不可以正
四方即放牙士頓逐瑪利妃諸侯大怒連兵入攻以
討黎捨顛為名黎捨顛銳氣不少屈一千六百三十
二年大破諸侯兵於加的諾德里斬蒙摩蘭西侯一

千六百四十年又與諸侯兵戰于馬非諾斬蕪亞
孫侯自是侯伯震恐束手受制

黎捨顛伐埃西
一千六百二十四年黎捨顛將兵三萬六千踰亞
入伊太里與西班牙兵戰於華的林破之一千六百
二十九年薩窩亞侯請盟一千六百三十五年黎捨
顛付其將伯那耳步兵一百隊騎兵二百隊東擊埃
國戰于亞威納破之明年埃兵太舉來攻不爾納農
西班牙攻比加的助之敵勢一千六百三十八年代
埃兵稜非爾走之一千六百四十年進攻伯里薩革

黎捨顛伐埃西

布羅本氏立國猶淺叛亂接踵而得一黎氏天下震動人才之關於國家如斯傾慕之深至此伯祿帝之英風亦可想見
木原元禮曰英雄能知英雄
民權說為貴

撒爾的蘭諸城取之。一千六百四十一年。我將牙伯安破。與軍於高坂。波耳多士地破。西班牙海軍會加多蘭。葡萄牙。二國叛。西班牙。二國竟不能抗。西王來。華西。合里。受盟。一千六百四十三年。黎捨顯病卒。黎捨顯執政。知莫不言。芟除強梗。戡定亂畧。耀國威於天下。宏謨偉畧。為當時之所推服。後魚帝伯祿游法國。上其墓。追慕英風。慨然掩泣。曰。使斯人與寡人同世。而生。則割魯國之半與之。不少吝也。是歲。十三世路易王亦殂。王始終信任黎捨顯。使之竭才用。世稱其知人善任。是時各府代議士爭唱民權說。欲

紳發也。此時書紳課民。租役民力。猶我古昔大名地頭類也。其說經百五十年。釀未曾有之。變亂鬱愈。以清愈烈。可畏哉。

改制國憲。貴紳以不利己拒之。議士曰。以一家喻之。貴紳兄也。庶庶弟也。為貴紳者。豈有以威力壓抑庶庶之理乎。貴紳曰。貴紳猶主。庶庶猶奴。隸安可輕改。成法。紊尊卑之分乎。議士不服。罵然論爭。王下令。撤會。自是國民不平。激徒交起。唱共和之說者。日眾。一千七百八十九年之亂。胚胎于此云。

日耳曼割亞薩斯

十三世路易王殂。太子十四世路易嗣立。年甫五歲。母后奧安臨朝。舉伊太里人瑪撒蘭為相。瑪撒蘭師

法蘭西史卷五
五
事。黎捨顛深沈有智畧。甚得名望。一千六百四十三年。西兵二萬五千。侵賞巴尼。圍羅克魯城。王族孔德將兵二萬。拒戰。西兵分三隊。以待孔德。率選兵衝中堅陣。稍動。乘勢奮擊。破其左右翼。西兵退。敷方陣。列火器。各隊前砲。火電閃。彈丸雨注。孔德勒軍不動。縱騎兵突戰。西兵潰走。斬獲無算。明年孔德的蘭二將。大舉度萊河。攻奧國。破之。自是每戰皆勝。奧勢日挫。一千六百四十八年。日耳曼帝非難多。會見於維發里。割亞薩斯以和。

投石軍

涓流下塞。遂為江河。可為玩寇者戒。

自西奧役興。國計日窮。徵賦日急。國民怨望。國會不敢與。銳意為政。貴紳多不悅。煽動民心。孔德將兵討之。是亂以人無鬪心。類兒戲。且曰投石軍。既而四方。兇徒爭起。助投石軍。巴里府人。玻耳岡的為黨魁。聲勢日盛。孔德的蘭二將亦黨之。國中騷然。尋的蘭改節。攻孔德。孔德走西班牙。西王授之將印。令攻法王。避寇去。巴里府是歲大水。不登。餓莩相踵。賞巴尼諾爾的被災最甚。飢民皆以樹皮土塊為食。哥斯古尼僧萬聖坡耳。創賑荒社。傾產賑卹。得存活者頗眾。萬聖坡耳又創一社。募婦女有義心者。以育貧民棄子。

西洋諸仁政
皆成於教法
獨窮理學科
不然

棄兒院始于此。時人呼曰聖僧。一千六百五十八年。
的蘭大破西軍於德納。西王懼割靈西隆。亞多亞二
州以和且納其女瑪理的列士為王妃。

古耳比爾掌國計

瑪撒蘭佐幼主平國難。挫強敵。稱為匡時之宰。一千
六百六十一年病卒。古耳比爾代執政。權古耳比爾
列摩。絹商之子。幼而穎悟。嗜經濟實學。長理財。瑪撒
蘭器之臨死。薦王時權臣普計奢後。一宴費十二萬
金。營私第於窩里。用一千八百萬金。僚屬仿之。互競
奢靡。法國歲入八千四百萬金。而其入官庫者二千

知人之明

濫亦甚

古今論食貨
何啻千百家
竟不出是數
者
比爾禁穀種
外出未得經
濟之道

三百萬金。餘悉為普計黨所私。比爾首禡普計職。繼
比尼羅爾。投石軍之亂。州郡豪族有功者。自稱貴族。
不敢出稅。如此者四萬人。比爾悉禡貴族。稱呼徵其
稅。比爾常謂富國在力農桑。開物產。使人人食力。不
仰給於外國。乃下令國中。決陂澤。修道路。減地租。賤
鹽價。禁穀種外出。廢水陸關稅。定山澤勸禁。改商律。
審法典。招致四方工匠。教國民工業。舊制農民逋租
者。沒其牛羊農具。比爾曰。此涸其源也。下令除之。又
買日耳曼瑞士獸畜。開牧畜。不數年。田野四開。物產
殷阜。一千六百六十九年。織毛布者四萬四千二百

經理之法漸異古代時勢之變可觀

張國威有藝捨顯皇國計有比爾沙理二人有此三子法國富強無敵天下木原元禮曰大包宇內細折毫毛舉一切利權歸吾

人業工匠者六萬人出絹帛五十萬如大尼陶器硝子玻璃片精好無比又開蘭克德渠自大西洋直達地中海開墾哥也內加拿他新地島路易安那迷失河旁諸地買安地耳諸島移民開拓通商各地悉開高社亞細亞則有東西印度亞弗利加則有塞納加耳貿易之盛冠一時法國常買船艦於瑞典荷蘭比爾使德克內窩萬等開造船塲於敦計克哈威爾伯列斯羅捨弗耳土崙日製大艦巨舶海軍之盛為當時所推比爾經世之學得之天稟嘗製簿冊登記每歲出納奇贏一覽可了各國皆仿其法所謂概算法

運用古今財利家一大豪傑

是也

取法蘭德耳

一千六百六十四年平地中海海賊明年與亞耳惹里人戰于亞弗利加的尼士破之威震南海西班牙王非立殂路易王以妃故發使求其割荷蘭國西班牙人不肯王怒親將伐荷蘭入法蘭德耳對戰三月取之轉畧法蘭孔的荷蘭懼與英吉利西班牙請和王與之盟也幾刺沙比耳取法蘭德耳還法蘭孔的於西班牙一千六百六十六年以羅窩亞為兵馬都督羅窩亞善用兵教練有法為當時所推

自一千六百六十七年至一千七百十五年。

伐荷蘭

荷蘭占萊河下流運搬便利商旅四通。占有貿易之利權。荷蘭軍艦一萬六千隻。法國六百隻。兩國接壤。而法國物產皆輸致荷蘭。荷蘭坐致富盛。王知利病所源。開噶計克港於北海。馬塞里港於地中海。創東西印度商社。於是法國日致富盛。而荷蘭商道頓衰。一千六百六十七年。令各港稅荷蘭物貨。荷蘭人大怒。亦稅法國貨物。兩國互有違言。王固驕侈。常自比德。天曰。曰地上萬物孰非天日所照臨。又曰。天地間。

夏桀比天日。天下群起路。

易王比天日。取怒隣國。皆可為驕傲者戒。

制我權者。獨有天帝爾也。幾刺沙比耳之會。荷蘭人製軍功票牌。面畫曰。德神書其上。曰。天日止。照荷蘭軍所向。王觀之不悅。一千六百七十二年。付兵十三萬。孔德的蘭二將伐荷蘭。至萊河無舟。全軍亂流。而度奮戰十日。陷二十五城。進逼安特堤。都府荷蘭人決堤自保。蘭王維爾夙以驍勇聞。與西英日三國合兵拒法。一千六百七十四年。孔德破維廉於塞拿普的蘭。破日兵於亞耳薩士。西岡伯兒破西兵於盧西隆。德克內的士多列諸將亦屢破蘭兵於水陸各地。一千六百七十八年。荷蘭割法朗剛的行成。

天下教法雖
多種不過使
人人慈愛向
善而已而新
日之爭輾轉
構兵百萬糜
爛果誰任其
咎無乃立教
大旨少失中
正乎

逐新教黨

自加耳萬唱新教其黨日眾與舊教互相排擊至是
奉新教者三十萬人舊教黨憂之立國法禁新教黨
仕官新教黨自執愈固或為工匠或為商賈獨立謀
生宰相盧窩亞最憎新教因王寵妃曼圖南說王林亦
國民奉新教新徒囂然一千六百八十五年遂據塞
威內擁兵自守勢頗張盧窩亞怒發師征討新徒散
走英蘭伯靈諸奉新教者無不切齒英國世奉新教
及二世惹克王立更奉舊教國人不悅迎阿蘭的公
三世維廉於荷蘭配惹克王女瑪利妃為王王固憤

法國逐新教黨一千六百八十八年與西蘭日瑞典
薩窩亞五國會於荷蘭阿克堡推日帝理泊為盟主
合兵問法人擯新教之罪是時勒撒伯耳加知那萬
德摩威亞爾諸驍將猶存陸軍十四萬軍艦百十隻
兵威猶振一千六百九十年勒撒伯耳走英王於弗
爾勒士加知那捷於士丹發耳士一千六百九十二
年勒撒伯耳破英軍於斯典克耳我軍艦四十四隻
與英蘭軍艦九十九隻戰於拉合海上殊死奮鬪敗
之斬獲九千餘人自是每戰皆勝各國財力已殫會
於力斯維克請和路易王將有事於西國乃許之約

日維廉不復得王英國我所取英地士多拉七堡以外悉還之

法英再釁

一千七百年西班牙王二世查理卒無子請路易王孫五世非立為嗣王大悅曰自今無復牛嶺之阻牛嶺在法西之境二國每有事據之拒戰五世非立既王西班牙英王維廉謂西蘭合法非英國之利乃與澳薩葡蘭四國攻我一千七百二年我將伯弗耳破蘭兵於貢計蘭他拉耳破口兵於西比耳萬德摩破澳兵於加沙拿而古耳比耳盧窩亞的勒撒伯耳諸

當時之勢如戰國七雄爭霸而法據山河之勝殆贏秦負隅之勢

累敗之餘無少挫色直欲以身繼之勇氣已吞敵國

賢已死王亦年老將士危疑兵威漸衰一千七百四年他拉耳馬耳撒二將敗於伯勒捏摩一千七百七年威兒魯敗于刺美里萬德摩敗于宇上拿上明年戰於麻爾弗拉幾大敗會年穀不登飢疫並作在外諸將敗報日至不得已請和各國皆曰廢西王非立則許所請王不聽募兵二十萬以威亞耳為將大息告之曰孤年六十四命在旦夕不忍目國人行罹兵禍此役不利則我親將諸貴族決勝敗於一戰汝其勉彌威亞耳感激掩淚辭發一千七百十二年七月威亞耳與各國會戰於德南威亞耳立矢石中督戰

河野通之曰
十四世路易
銳意戰伐威
備四隣曠吏
大畧與漢武
相類而臨死

大破敵兵進拔馬細安土厄不仙諸城兵威大振明年五月四日諸國懼求和會於荷蘭武德列克約曰英澳各國不得爭西國繼嗣佛蘭德耳亞薩士屬法荷蘭美蘭納那卑爾屬澳尼西西治里屬薩高帝馬匈美諾克日拉太黑孫新島亞加的屬英北克德屬普於是諸國版圖一定疆域絕爭者五十年

十四世路易王殂

一千七百十五年九月一日十四世路易王殂王在位四十年初委政權於瑪撒蘭拱默無聞瑪撒蘭死後始親庶政勵精圖治日出視政八小時間政無大

三德王四卷圖章

遺訓亦與輪
臺一詔如出
得一口唯恨不
得一霍光托
遺業也

小身親裁決常曰政府則我也我則政府也又好用兵構怨隣國國民塗炭王亦追悔臨殂遺言曰我壯好攻戰老苦無成汝莫復倣我所為以損家國幸福撫綏億兆以補我過當王時宰輔有瑪撒蘭古耳比耳羅窩亞窩萬諸賢將帥有的蘭德計士安威亞爾德克內孔德土耳其威昂勒撒伯耳加知那萬德摩克列機伯弗列爾約翰巴兒國威震懼隣國王亦汲汲于興文化開大學教圖畫音律百科學術又立一校不問內外國人令得入學瑪撒蘭文庫藏書數萬卷開館許士人縱觀文學日開名賢輩出詩賦有摩犁

文化藝興

法蘭西卷五

十四世路易王殂

十四世路易王殂

兒泉氏薄亞羅教論有薄沙勿那命伯耳達兒瑪理
恩性理有貌勒爾麻列伯蘭德士加爾多巴斯加爾
繪畫有不聖列惹兒烈布倫克魯士羅萊耶鏤有比
德地刺德命克多哥斯窩機工學有百露兒滿沙兒
又有巴板者發明汽器之理巴里街上點燈亦始王
時夜明如晝奸盜潛迹

自一千七百十五年至一千七百六十一年

阿涼侯攝政

十四世路易王自知不起撰定憲法授諸宰輔曰茲
嗣王成長一千七百十五年十五世路易王立年甫

紀綱頹弛至
此亦已凜凜

五歲議會使宗親阿涼侯攝政阿涼侯無望信任家
臣知薄樹黨營私羣小和附呼曰攝政伴一千七百
十八年西班牙王視法國政亂授旨其臣塞刺馬兒
煽動法民作亂阿涼侯付海軍英將討之失亡無算
歲計不足改鑄貨幣當得贏金七千萬及改鑄有司
肥囊囊入王府者僅一千五百萬金議者皆謂國計
之急職由凡百有司不得其人也後阿涼侯愈失人
望遂為英軍所擒

約翰羅銀行

蘇格蘭人約翰羅有心計精財利之說一千七百十

近時有力豪
商爭開銀行

不知能免約
翰羅覆報否

豈有此理乎

我邦往時列
蕃製猪幣

六年来巴里府開銀行造紙票買商賈金券商賈得
勢貿易四通約翰羅得奇利巨萬一千七百十八年
以銀行為政府之所管更開一大商社通亞米利加
路易西安迷失比貿易銀行愈得氣勢國民爭出貯
金投商社紙票價日騰貴至有出一萬金買五百金
紙票者約翰羅為得策益製紙票狂走一世前後所
發行紙票凡十六億七千五百金既而金貨不給換
兌稍滯約翰羅乃停米國商會國民疑懼諸托金銀
行者爭以紙票索金約翰羅策無所出窮窮遁走銀
行閉肆於是國中貨源壅塞商賈空帶豪戶富家悉

國急不出二
二年必取困
弊皆叢約翰
羅覆報者

失家業流離或乞丐賤民乘時致富當紙票
盛行人人得奇利窮者極欲競為華靡識者論無是
理於是果敗約翰羅道至伊太里威尼斯窮死約翰
創銀行流毒當時而後業銀行者皆祖其法

破波蘭兵

一千七百二十三年貌兒本侯繼阿涼侯為相侯無
太畧大小政事悉皆糊塗一千七百二十六年弗理
為相弗理專以國家為己任有宰臣之體唯減軍艦
致海軍不振論者少之王取波蘭廢王歷山斯機女
為妃一千七百三十四年破波蘭兵於巴耳馬加斯

孫子所謂
則奪敵心者

此亦宋襄之
仁

太刺與之會維也納復歷山斯機其位又使奧人割
羅萊內約曰歷山斯機死後歸羅萊內於法國一千
七百四十一年攻奧普刺克我將塞威兒戒隊將波
西加耳曰挺進入城候兵誰何莫答波西加耳如言
全軍繼進城兵潰散一千七百四十五年破奧軍於
本多諾西一千七百四十六年破奧軍於羅克翌年
又破奧軍於魯弗耳荷蘭全國歸我王不敢取之曰
伐人國利其地商賈之為而已王用兵七年不取一
撮土國人少之是時印度商社有德普烈者頗有才
幹承王旨經界印度地方全印度殆歸藩屬英國嫉

普法之釁非
創於今日

之奪我軍艦三百隻而王方與澳國構兵不暇問其
罪英國畧印度始于此王舉寵臣斯比德為將將校
多用門閥貴族兵制漸濫王與普國不善普王弗烈
的立破我軍於魯伯克喪軍艦八十七隻普國稱雄
歐洲基於此後黎捨顛侯破普軍於蜜諾克貌魯克
利亦走普軍而遂不償魯伯克大敗一千七百六十
三年英要我割加奈太安知耳塞納牙印度不能拒
之一千七百六十九年又割米國路易西安於西國
藩屬各土背畔兵威遂不振一千七百六十年波蘭
王歷山斯幾死羅萊內歸我一千七百六十八年取

熱那古耳西島明年八月十五日那破崙生古耳西島亞日渡

自一千七百六十一年至一千七百八十二年

十五世路易用人

十五世路易即位以細亞斯侯為相一千七百六十年以侯策與英吉利西班牙那卑爾解怨結姻戚之誼侯有幹國之畧撫卹諸藩屬地編海陸軍認米國獨立許國會罰猶太教人之權侯又謂國內教院過多宜加省減且賦寺田以濟國計而王日事逸游寵臣比理侯乘間讒侯王遂以鐵烈代侯鐵烈殘忍

東海綿與東濕薪如出一口者

此等論東洋人所想不到

常曰御人民猶東海綿不可少寬乃設諸苛法剝民新創銀行有納貨銀行者不敢償之稱曰不償銀行新創會社買糧食占其利國人艱食常如歉歲稱曰飢饉社而王奢侈國計歲少二千五百萬金乃倍徵民稅罪無輕重納金贖出誹謗四起怨讟載道鐵烈自若曰國有王猶家有主國計所須何為不可王將有所為輒為議會所沮蓄憤有日一千七百七十一年王下令閉議院議會以立法之權抗抵君相護國家安寧為立國之本而王積私憤一朝廢棄先世良法日愈蕩然國民無不懷不平者一千七百七十

古羅天

二年普澳俄合謀滅波蘭分其地波蘭立國尤久而
為三國所逼前後削弱至是遂亡自是三國南向爭
衡歐洲局面一變議者皆少十五世路易不翊波蘭
殺三國勢力

學問日開

法國政綱日愈陵夷而學術日愈上達費奔哥列魯
烈阿密兒德文刺窩亞的拉哥蘭辣普利西闡明物
理一新百科學術昆地克發揮性理蘊奧計士納具
耳內的兒過開經濟一科學本德拿兒治德魯亞達
朗伯兒列拿爾勿比的士孔得柴比納旦聖伯祿勤

薩地薄馬耳遜排斥舊傳師說謬誤亞計索著十五
世路易法窩兒堤著十四世路易紀孟德士燭著萬
法精彙論各國法律得失羅蘇著書主張獨得創見
士大夫歛然精研文學所刊諸書四方爭傳王侯貴
人專門名家皆尊崇其書以先見為快王雖昏暗亦
用心於學術伎藝建各科大學校醫術太學校於巴
里府兵學築造二學校於塞伯耳陶器局於板的恩
貌耳本繪畫彫鏤博覽會於羅伯耳印度物產製造
局于美耳士綿布羅絨段匹織造局於亞眠馬耳里
人發明電氣製避雷柱一千七百七十年華伊我人

木原元禮曰
家國之盛衰

係紀綱之張
地紀綱一也
維家誦詩書
人讀仁義何
補敗亡況其
學止巧藝技
術之末乎

法蘭西卷五
布羅德本
十七
創作瀛氣器械一千七百六十七年巴里府人製反
射燈一千七百二十年殖加非樹於安知耳島國人
學問知見日愈超進而國勢政綱日愈降下時人稱
為一大反對。

十六世路易王新政

一千七百七十四年十五世路易王殂十六世路易
王嗣立十五世路易淫蕩舉朝為風輕儇相率而王
以禮義開防頗稱輿望既即位禁百僚獻物上賀以
的過有台輔之望舉為首相的過將除去諸為國慮
者防亂於未萌許糧食和賣止百工製作諸苛法除

王位安危王
統存亡關此
一歎今猶聽
其悲嗟之數

貴族隸視賤民之權平均內國地租稅僧侶貴族采
邑物論嗷然諸病已不利者逼王黜的過一千七百
七十七年坐免王固知的過賢歎曰愛法國人民者
獨有我與的過而已的過已免麻布代之年八十餘
別無見解政多壅滯舉熱那人納計兒主國計納計
兒借財豪富以贍國用仿的過法稅貴族僧侶采邑
羣胥乘間讒構王又疎斥之王好為善舉動於禮唯
性文弱竟致顛覆論者惜之一千七百七十六年亞
米利加人民不勝英政苛虐羣起抗英法人嘗唱共
和說者以米人立政體先獲我心交逼政府援之弗

認米獨立法
國之一大義

我邦將門之
治武斷專制
無不至累與
之相類而爾

依德魯干伯二將以大軍破英兵于空桑刺馬士比
計以西典沙弗倫以軍艦十一隻當英印度會社海
軍大戰五次皆勝一千七百八十二年與英人盟威
塞爾尋盟巴里府英還我塞內加爾安的列斯魯西
安納

自一千七百八十九年至一千七百九十五年

開議會

十五世路易廢議會厚課民稅擅制國律凡百政權
王意所欲為至此四置稅關各州異制貴族皆有特
權僧爵將官求無不得齊民與貴族爭不問是非付

吏鞭撻貴族僧侶三分全國食其二齊民有田地者
終歲勤勞僅償稅額兵士犯矢石凌危險博一生於
萬死僅得為中隊長貴族役使民丁不償傭錢工商
布帛幅員違法分寸則下獄以學術進者得貴官一
噸顧雖無一所長立致顯貴美官學士大夫著書論
事隻字觸忌則立致縲紲法網日密怨謗滿國而亞
米利加之役經費億萬計相土加倫陽為矜夸曰欲
國家之富盛宜華美外面以示有餘若一意節用則
國勢益屈執國計四歲計窮術盡乃請王曰今日之
事有行的過納計爾二氏法耳是時議者爭論開議

會博取輿論王乃復納計爾相位一千七百八十九年五月開議會於威塞爾公僧侶貴族齊民為三等每等公撰代議士得一千二百十四人六百二十一人為齊民王與夫人及王族臨會僧侶貴族班列左右戴羽冠被金緹羅絨燁如神人齊民代議服飾不華義見言貌細依為眾所推服者對眾發一題論大意曰三等人民何物曰國民是也國民有何地位曰國政無一所關與國民有何權利曰國政無大小無不可一關與齊民與是撰者美拉伯羅伯卑爾以下皆以論民權為貴族所嫉惡者也美拉伯少時家貧

十四世路易嘗曰政府則我此以天下為一人之天下者君主專治之所由起也

無行檢追列議會辨駁諸弊事以釐正為任後欲矯眾論過激稍藏鋒芒事半病卒語左右曰我衣立君政喪服而逝言已死則立君政亦隨亡也議會例三等代議各盡其議每等掄一人陳其說此會創例三可否於是僧侶貴族不得以私奪公每一難起僧侶多與齊民說而齊民不以區區異同為意並欲基國俗人情立至當法憲令政府與眾庶兩得其便論難八日始論決國法改定大綱與是會者雖黨同擊異間滋過激其人槩皆端人正士而諸乘騷擾逞其所

始于正人端士終于亂民

兇徒達觀萬
國治亂所由
每每如此

欲為者。五募黨援。所在集會論說。時事煽動人心。言愈激烈。是黨推加美德摩蘭。馬拉段。為長。加美德摩蘭。輕躁倨傲。馬拉專快。報復不復。少顧惜。段。殺殘暴。陰謀作亂。而貴族。恐喪特權。群進恐喝。王依違中立。國民憤王優游無斷。爭為詭激。人人知大亂在近。

除貴族特權

七月十四日。巴里都人群起。毀巴西的爾獄舍。放囚徒。互相慶賀。曰。顛覆獨裁政體。始於此。群不逞之徒。橫行四方。府中市店。書閉。諸憂國事者。皆謂衆怒如火。濟燃眉之急。宜速除僧侶貴族特權。令暴徒不得

藉口。貴族代議。依格恩。垂武的。二人深憂生亂。告衆曰。余觀我民。我王。所以憂煎。皆由貴族自肆。不副眾望也。自今僧侶貴族特權。悉皆除去。無得與眾庶相異同也。眾以其言發於至誠。同然一辭。稱贊之。於是貴族代議。議除貴族役使。齊民及射獵刑罪之特權。僧侶代議。議除以民租充。教院費及鬻刑獄之特權。三等代議。決平均三民租稅。及齊民得與貴族僧侶並官矣。既而貴族僧侶與諸在要路者。競唱異論。謀復特權。王立中間。專事姑息。暴徒募黨。集威耳塞。婦女孩兒。亦皆揮杖。擄槍。爭助暴徒。亂入宮中。格殺衛

環尾流離所
謂欲為孤豚
而不可得者

卒禁之不止。十月王與后及太子發威耳塞還巴里
三等代議士皆從。諸貴族恐怖避匿。或走隣國。謀借
兵除暴徒。王弟亞都亞侯亦走英。土勢愈危殆。第無
所出。以名賢美刺伯固負人望。起參太政。會美刺伯
病卒。王日夜憂煎。密踰垣出走。至威梭西為眾所擁
歸宮。

頒布新法

一千七百九十一年九月十四日。民會逼路易王頒
布其所議定之新法。曰。不得以貴賤異國律。以門地
限進仕。以苛法。斂教法。貿易工匠。法律租稅。一以民

安知一大快
意之事。却
釀出一大禍
亂。
世論是事者
曰。條規有民
會所定法律。
不適王意。四
年間不得施
行之語。而不
實踐。發行八
億紙幣。開公
私破產之源。
沒僧侶米邑
崇及真意之
教法。講社之

會公議定之。聽訟置陪審覆審二官。檢法官判決合
律。不置上等審院於州郡。達國民冤屈其所。措畫公
明正大。稱曰。千七百八十九年律法。自民會開院。三
年於此。齊民代議排斥。眾論主張民權。百折千挫。不
少屈撓。遂立一定憲法。布行國中。至是將舉立法議
會。論定憲法條目。議士皆曰。不敢當其任。乃新徵代
議士。應撰者。概皆少壯。不經事者。競唱共和說。世目
曰。及倫黨。以黨魁為及倫人也。王勢愈孤。乃責澳普
諸國納亡人。取悅黨人。澳普合兵侵疆。國人怒。王無
故開兵端。闖入殿上。逼王令戴赤帽。罵辱之。亂民倍

廢立。教長牧師之撰舉。不復稟羅馬法皇類。未為得馬也。與青衣行酒。同一話柄。

國內紛擾。至此極。而其民戮力禦外侮。此榮國誠心。法人所歎。

橫王遣禁軍征之。皆破。王走。匿於是。議會剝王位。徵會國中。曰。將審判王罪。改立政體。舉國驚愕。異論沸騰。亂民無所忌憚。日行暴殺。會普兵侵威耳堤。亂民憤然。曰。此皆王黨游說敵國之所致。乃曳出王黨繫獄者。刎之。縱殺二日。

法軍擊走各國兵

澳兵進逼南疆。警報四至。忠實憂國者。不以亂徒為念。爭出應募。德耳德伯耳克。齡五十餘。猶手銃從軍。人携戎器。服粧不一。同音唱武歌。勇氣凜然。眼中無敵。九月二十日。賞巴尼守將德摩利。從敵於威耳美。

應變有畧

克列滿來援。敵丸雨注。焰煙蔽野。我兵誤火。硝藥搬丁走匿。眾猶苦戰。王族捨德公。率砲兵馳至。協力軍氣稍奮。乍見敵兵自山背來。襲愕然失措。克列滿下馬。馳出陣前。揭帽劍端。令各隊止。發砲待敵。近前挺槍揮擢。三戰三勝。翌日敵拔營而去。賞巴尼始安。黎利受圍。月餘。日夜防戰。誓與城存亡。德摩利進與城兵夾擊。敗之。納翰馬布進畧。白耳義。

法人弒十六世路易王

一千七百九十二年九月二十一日。議會宣告。創立共和政體。以是日為共和第一日。第一日。國會議士。

木原元禮曰
王雖暴柔不
能御下未有
太過惡乃粹
而到之如天
堯君臣之理
安在此歐洲
政体所以使
於共和

新舊交替及倫黨稍衰羅伯卑爾段敦馬刺既車四
人專撰用事稱曰山岳黨以其每集會憑高案標異
衆也一千七百九十三年一月十三日國會審判十
六世路易之罪獄卒擁王至刑壇王固知不免畧無
畏懼色從容就死王柔弱無足虞國人寃之既而普
奧各國連謀合兵來討東北疆不守枉德士民揭竿
蜂起教徒為新政所擯及倫黨為山岳黨所排者四
方群起十七世路易在丹布爾獄中偷謀恢復里昂
民亦據城抗命國內鼎沸人人企足四月六日國會
推羅伯卑爾為總理國事專以刑殺立威以劊子不

給製列首機器殘暴無所不至枉德亂民力竭而降
所在亂黨亦皆畏其暴前後乎定十六世路易妃馬
理安德納名賢買蘇詩人安德沙尼化學家拉窩亞
的以下亦皆寃殺段敦以暴聞而羅伯卑爾猶以為
寬殺之議長依伯遮迷德一人嘗撰共和誓而羅伯
卑爾以為汚共和政體殺之翌年七月二十七日議
會論羅伯卑爾暴橫伏刑羅伯卑爾執柄以來國人
累足而立至是始為帖席之念

法軍敗各國軍

是歲英人與俄奧普各國聯合席卷而南勢甚銳我

有得干實際
閱歷者勝於
學問經驗千
萬不唯用兵
為然讀文書
能談兵者不
無所愧乎

兵應募者七十萬拒之亞爾卑山麓每戰必克各國
愕貽謂法兵不可侮遂引去是役兵皆新募將帥皆
匆卒所署加耳諾自工兵隊長為元帥細沙自卒伍
任方面重寄比沙克勒自率伍為大將峇白耳義荷
蘭二國瑪蘇著名於普魯勒之戰克列伯防守迷安
士約旦以威的格普魯勒之勝得名諸人皆年少不
脩兵學與各國百練兵對戰未嘗取敗入伊太里征
和蘭冒炎燒履水雪不衣不食泥行不靴野卧不葦
以一張銃槍為性命挫堅城奪強壘遂立大功為名
將失法國專主陸戰不復講水軍是戰不特陸軍無

何等猛壯夫

敵海軍亦頗得強名伯車熱愛士將軍艦二十六隻
當英艦三十六隻強戰不少屈軍監傳命收兵兩將
徐棄破艦不中用者整隊而退一艦為英三艦所圍
艦將戰死士官代督艦兵屹立不動砲戰愈烈撞折
舵破帆布皆燒猶裹血立煙揭國旗於檣上不少斷
發砲下層沈沒即集上層及激浪浸甲板同殼呼共
和萬歲與艦板共沒至是普西請和合從兵始解

拿破崙走王政黨

羅伯卑爾之見殺熱黨將有所報煽動巴里兇徒
得數千人襲國會捕議官一々虐殺貫其首槍端進

出議長薄亞西且枯刺坐前薄亞西憑椅子泰然不動護國兵來救兇徒始定此為一千七百九十五年五月二十日是時山岳黨衰王政黨將覆共和政體其黨三萬人群起入巴里襲國民議會護國兵不滿一萬勃那巴拿破將之使用大砲頗巧妙一擊却塵黨此為十月五日。

論曰余讀布爾奔氏紀至十四世路易曰政府即我我即政府也喟然曰十六世路易之殃其在于此也歟夫人民千萬為群其勢不得不設立公共方法護之相生相養相慈相愛之道所謂政府是也既設立

雙說下完
轉如串珠深
得雙開法之
妙

舉意敷衍所
謂如此掃去
者

政府其勢不得不出錢粟以養司公共方法者所謂君相百官是也而路易不之知下戈所以防寇敵也而路易加之其所仇刑罰所以懲暴惡也而路易加之其所惡爵賞所以勸賢者也而路易加之其所寵據無上之尊肆無限之權傲然曰政府即我我即政府也語曰一言可以亡邦如路易斯言抑亦殆矣路易既以斯言激眾怒故其致顛覆國人皆曰政府即人民人民即政府也報復之理勢不得不至此者也嗚呼一政府也路易輒曰政府即我也國民輒曰政府即我也君民黨爭如斯其孰立政府之上司公共

今論民權者
不可不注日
于此

方法者其驅王刑壇斬辱狎侮隨以刀鋸所謂出乎
爾反乎爾者固無足怪也蓋人君之所以不敢挾其
威虐其民者以國憲限其權也國民之所以不敢負
其力凌其君者以國憲定其分也路易既不難挾其
威虐其民則為之民者亦何難負其力凌其君乎哉
故欲其國之永安久治以製國憲定君民權限為第
一義也

法蘭西志卷五 終

法蘭西志卷之六

千葉縣 高橋二郎譯述

宮城縣 岡千仞刪定

鹿兒島縣 重野安繹

愛媛縣 藤野正啓 評閱

勃那巴氏紀

自千七百九十五年至千八百零年

拿破崙為將

拿破崙姓勃那巴氏父曰查理其先為伊太里名族
有故移哥爾西島世為島人查理雄辯多才以精法

奮率群兒為戰狀互不相屈輒至流血校官恐其致毀傷禁之

布爾奔氏末世殘忍屠殺無所不至史家稱曰恐怖

律名母列日亞性嚴密有姿色生子八人拿破崙其第二子英邁不群其在乳母懷好弄軍鼓銃砲玩具六歲時觀鄉人練兵為一卒亦斬侮憤然蹶起如將共鬪者卒驚謝烏守馬爾布奇之薦入伯林兵學校時年十歲每暇日指揮群兒築壘布陣一如老兵者校師分廢園供群兒遊戲崙圍柵畫域栽植菓樹蔚為庭園眾異之會哥爾西亂一官偽說烏兵敗狀懼崙崙一再難詰其人辭屈謝罪其岐嶷不凡往往類之在學四年舉優等入巴勒府大學才氣卓越議論俊發為一時之所延譽十八歲為聯隊長時從諸名

之世。

此後督將命崙發砲迫城崙不肯指南岬一角曰炮軍艦光徒狼狽不改自拔後的元美用其策果勝

士講習文學神識朗悟聞一知十屢得里昂府學褒章法國自布爾奔氏失政諸排王政者更取政權黨同伐異互快恩讎崙負有為之略將經略四方以大試其所學乃與諸論共和者議改革方法及山岳黨得志落然失望乃歸舊里掃園庭溫習諸學科烏有拿氏避暑洞今猶傳其遺跡云會烏人葡利附英抗國命乃携母及弟妹避難是時王政黨據土倫府英西二國助之前後征討不利崙以砲兵隊長從軍已至巡察戰地謀敵一面懈備築砲臺薄之監軍論不得地勢崙咲曰卿且盡監軍之職砲臺利否我生死

法人既創共和政治。宣言曰。隣邦唱共和說者。出兵助之。其所定各地。立共和政體。治之於

與之日。日。崙。冒。砲。丸。督。戰。英。兵。放。火。遁。走。黨。人。以。城。降。監。軍。奏。捷。不。及。崙。功。總。帥。的。元。美。表。崙。功。為。第。一。擢。為。裨。將。無。幾。坐。羅。伯。爾。黨。廢。居。巴。拉。多。常。器。崙。才。王。政。黨。之。襲。巴。勒。舉。崙。督。砲。隊。果。大。捷。千。七。百。九。十。五。年。代。巴。拉。多。為。軍。務。總。督。齡。未。三。十。顏。督。髮。黑。理。密。論。精。軍。事。蝟。集。無。不。立。辨。輿。望。翕。然。歸。之。

取以太里

英。魯。各。國。同。盟。仇。法。法。人。將。有。報。以。澳。國。內。多。事。定。策。伐。澳。千。七。百。九。十。六。年。三。月。委。大。兵。莫。羅。若。爾。段。及。崙。三。將。二。道。分。進。約。破。澳。軍。會。其。都。維。也。納。既。而

是各國恐山。焯之波及連。兵伐法是為。連合之源因。

崙常持有二。事可為者則。如未嘗為一。事者之要訣。

莫。羅。若。爾。段。前。後。覆。軍。無。功。而。退。崙。檢。兵。尼。斯。兵。凡。三。萬。恩。言。綏。撫。曰。諸。君。衣。不。蔽。體。食。不。充。腹。日。對。強。敵。奮。然。勇。進。從。軍。以。來。未。嘗。需。一。渥。賞。而。不。敢。見。幾。微。真。不。負。為。勇。士。也。崙。將。藉。衆。力。取。以。太。里。沃。土。與。諸。君。共。其。富。貴。榮。譽。千。載。嘉。會。不。可。常。得。者。矣。將。士。感。奮。人。思。立。功。澳。將。漸。勒。烏。以。澳。及。撒。爾。的。兵。六。萬。扼。亞。邊。南。山。之。險。以。備。崙。自。山。腰。至。熱。納。四。月。十。二。日。摩。塞。那。破。澳。兵。三。千。於。門。德。諾。澳。西。魯。戰。于。美。兒。西。斬。獲。八。千。人。澳。軍。聞。崙。年。少。嘲。笑。為。易。與。至。是。每。戰。皆。敗。徹。亞。邊。南。山。守。兵。山。路。始。開。全。軍。入。以。太。里。

去南百示卷六 功心之代紀取以太里

其取伊太利
略埃及猶刀
發礮謹抑自
持惜稱帝以
後漸萌於伐
肆然自放不
終大業也

撒爾的割撒奎尼斯以和五月七日崙藩軍渡波河
出澳軍後澳軍退保落日橋地傍亞他大河橋長五
十丈澳軍列大砲三十門直射橋上十日法軍進攻
不拔眾請自他路崙不聽翌日全軍競進澳軍扼橋
砲射立僵七百人諸將督戰彈丸雨下遂巡數回崙
手國旗攙進眾作氣勢簇進直奪大砲澳軍潰散薄
勒烏收敗卒退曼士米蘭聞風降倫巴多地方悉屬
法轉入羅馬法皇及拿破爾西治里巴爾馬摩德拿
諸王侯爭獻方物請盟誓七月攻曼士澳軍堅守不
屈澳將威爾塞以兵六萬來援崙得報即日拔軍邀

擊其別軍於魯那託加的翁走之進與威爾塞戰於
米士拉克之澳軍死亡過半崙反軍攻曼士威爾塞
退保的路爾澳兵二萬來援威爾塞留一將自進援
曼士崙乃潛軍襲的路爾拔之更要威爾塞於途威
爾塞大敗投曼士固守澳帝弗蘭斯得敗報遣將軍
亞爾維來援其兵六萬達亞爾格城崙聞警令軍曰
退兵米蘭眾知其非策不敢可否中途下令轉馬首
曰濟亞地德河得一舟而濟水澤瀰茫行堤上路隘
不成列崙意謂逢敵於此寡可以敵眾也直出亞爾
格城後亞爾維聞銃聲勒軍出拒操縱有法威風凜

然蘭納俄西魯摩塞那諸將交進衝敵不動砲丸亂下死者接踵我軍稍亂崙觀大事去挺出陣前執國旗督各隊突進薄河橋彈丸雨注左右散走崙失足澤中衆來拯屢免乃收兵翌日烈戰互有勝敗十七日摩塞那猛進奪河橋有數騎兵蹊澤中鼓噪衝敵後澳兵累日苦戰精銳已盡忽聞炮聲在後惶惑失措我兵乘機急擊斬獲一萬六千人澳兵力竭棄城潰走千七百九十七年一月亞爾維募兵六萬陣亞地德河上我兵三萬大勝之餘勇氣百倍戰于利威里破之既而曼土糧盡威爾塞以其兵二萬降以太

崙以大利捷後威名隆然稱爲可以治安全歐洲者賓客備集戶外爲市號其類曰戰勝里

利全疆皈法澳帝大懼以第查理勇武得人望擢爲元帥出禦連戰皆敗法軍席捲而進距維納二日程查理將據都城決戰府民畏怖王侯貴族懷貨四遁澳帝不知所出請休戰十月十七日和成分倫巴多巴爾馬摩德拿諸部爲共和國割法蘭德撒奎萊因河濱以阿尼諸島屬法更附威尼斯及其屬地於澳國此役大戰十四小戰五十六走三將破五大軍降敵兵十萬獲野戰砲五百門大砲二十門而一切軍費課新附各州諸侯伯所獻地圖彫像金銀寶貨盡輸諸巴理斯崙用兵專出新意不復襲兵家舊套故

雖宿將老卒。明于兵機者。與之對戰。舉措失度。莫得制勝。匈牙利一老兵語人曰。法國少年將。不由戰法。忽前忽背。端倪百出。使人無復下手之法。

略埃及

法英構釁為日久。議者或謂英所以敢抗我者。以擅貿易利權也。若取埃及。絕印度之通商。則財源窮竭。勢不能抗我也。乃附崙兵三萬六千。軍艦廿隻。征埃及。及千七百九十八年五月十日。發土倫港。遂略馬爾他島。留兵八千。進向埃及。昏霧四塞。英哨兵不之覺。七月二日。達埃及。進攻亞歷得。三日。舉之埃及。有一

馬米。的。所。謂。奴。隸。種。族。出。於。韃。靼。強。猛。好。鬪。於。日。振。遂。至。蠶。食。小。亞。細。亞。米。布。麥。黎。稱。埃。及。王。悉。誅。是。族。

種族稱馬米的。酋長凡二十四。戰時騎亞刺伯馬。帶銃。斂鞍。繫鍊。棍重數十斤。縱橫馳突。傍近畏服。要法兵於沙漠中。崙作方陣。列砲齊發。聲震頂上。銳氣頓阻。其悍卒。嬰銃槍鬪死者。無算。進取拾貌列西。愈進。沙磧渺漫。炎熱如烘。飢渴交至。而軍氣愈壯。達因巴馬米的騎步二萬六千人。擁石尖塔前。法軍攢馬蹄。大呼羣進。法軍列槍布陣。其鋒不可觸。馬米的術窮。揮鍊棍。狻突奮戰。法軍一一砲殺之。橫尸為山。潰卒溺死。尼羅河者千數。有千五百人為一隊者。全隊爭先致死。無一遁者。美拉伯為二十四酋中。梟將。單

身遁走。駱駝糧食。斃。委棄載路。埃及地方。推馬米
的。為無敵天下。見法軍殲之。一舉大懼。號崙曰。火王
以其能用火器也。加義羅不戰降。上下埃及悉皆服
從。會英將納爾遜。要擊我軍艦於亞布格灣。海陸路
絕。崙不以為意。駐加義羅。改革政體。悉如法國。又遣
將泥塞。派尼羅河。襲塞米爾。美拉遠。道崙又出討埃
弗。莫亦二十四酋之一。既而土耳其使叙利亞。伐崙
崙曰。不可使埃及人重困。兵燹率兵發。加義羅千七
百九十九年二月。抵埃兒里。砲擊毀城壁。守兵遁去。
廿八日。達牙撒。無敢抗者。三月五日。至業布。守兵據

險防戰。援斷糧盡。請曰。得不殺。則出降。諸將諾之。崙
以其徒聚糧食。殺之。降兵三千。無一免者。十七日。抵
亞格爾港。城臨海灣。繫數戰艦。皆揚英國旗。崙愕然。
蓋英國助上耳古。禦法兵也。力攻累日。城墜。陷者數
次。將卒多死。崙以堅城頓兵。非計。班軍。七月。邀擊土
耳古兵一萬八千。於亞布格。破之。埃及全疆。無復一
兵抗法者。崙將據埃及。經略印度。有傳以太里背反。
法國危殆者。崙抵掌曰。果然。乃留將古勒伯。鎮埃及。
得軍艦二艘。凱旋。十月十日。達巴勒府。沿道。戶揭國
旗。點彩燈。攜勞賀捷。歡聲滿國。

此時澳魯英
合兵來攻。土
黨內應。遂失
以太利。是為
第二連盟。

法蘭西志卷六 七月廿九日 七
自千八百年至千八百六年

復以太里

崙家居謝絕兵事。日會有名學士論文藝事遊談。蓋將托文事傾各黨人心也。是年十一月九日國會下議曰。置元老六十員。行政官百員。立法官三百員。而三員高爵。總攝之為可者。三百萬人。為不可者。千五百人。於是崙以眾選陞一等高爵。甘巴塞勒伯倫二人佐之。崙既總大政。潤色政法。釐正軍國宿弊。赦名士遭竄逐者。復天主教寺院威望。日盛其權。夏勝前代國王。是時莫羅破澳將克列。中斷日耳曼要地。崙

將乘此機復以太里。千八百年五月閱兵。爾撒納聲言率的戎屯兵。入以太里。十四日夜潛軍踰亞界山。絕頂峻絕。際天積雪皚然。半腹以上。人跡不通。崙懸賞曰。能輸大砲一門者。給二百金。應募者群衆就役。乃剗巨樹載大砲。課百人運一大砲。人帶革囊銃槍。糧食及彈藥二百發。踰峻險八十里。樂隊鼓吹以作疲勞。預慮凝雪崩墮。致壓殺。晝夜踰嶺。兵士四萬騎。馬六千。輜重三百輛。大砲六十門。比日出。悉達山麓。無一人遭害者。澳人落膽。以為自天而降也。進入米蘭。我將門西以兵一萬八千來會。略羅地弗列亞諸

地所向無敵。澳將墨拉西收兵保亞歷得。六月十三日進入馬連罕平原荒漠。四無人家。以為敵既遁。付泥塞一軍尾擊。翌日墨拉斯以兵四萬大砲二百門來襲。法兵二萬蘭納維克士二將勇鬪不敵。左翼中軍皆崩。麾下一隊憤激拒戰。崙乘間作方陣以抗。澳軍以為已勝稍懈。會泥塞途聞砲聲。鞭馬馳至。見崙懷出針金表。曰日猶高。可一戰救敗也。粧大砲十二門。吶喊進戰。中丸僵。部兵激怒猛進。勇氣倍加。崙更遣砲隊隱輜重車亂射。澳軍大敗。墨拉斯棄十二城遁去。以太利全疆服屬如故。崙留將摩塞那班軍十

字用巴兵紀

二月莫羅直進逼維納。翌年澳帝割地講和。於此曼七荷蘭及萊因河西岸屬法。

崙即帝位

澳既講和。魯瑞噠亦皆構異同。而英國商艦屢為我所掠奪。漸有悔心。千八百二十一年三月廿五日。英法行成於亞眠。英還其所奪藩屬地。及馬爾他島。崙以四方無虞。民就其業。根千七百八十年原理。定二千三百條法律。盛築博物館。藏書庫。各科學校。創褒賞式。國人勲勞。國家發明。各科藝術器械者。賜牌章勸獎之專。講民利。興國益。政績粲然。闔國歡戴。而共和王

地意爾氏曰
法國舊賜武
器賞將士之
功。崙此法一
行。褒賞遍加

去南百志卷六 崙即帝位

民權均一無
復貴賤懸隔
之弊

論意謂古時
治善良之民
之法不可治
今時浮薄之
民今民愛自
己之身固自
己之利逐日
前之榮今創
賞褒式實為
濟時之急要
策

政二黨嫉崙名望日隆陰謀除之崙一日觀劇場黨
人逐埋葡萄彈以待御者被酒疾驅得免崙與其妻
詣一貴族若耳日謀虐殺事泄伏誅王族安格安侯
亦坐死至是國會希崙旨議曰欲國本之永安無若
奉崙帝位以強政府之權力也莫羅仗義沮之乃流
之亞墨利加千八百四年五月十八日崙即帝位十
二月二日行加冠禮羅馬法皇比伊臨能獨壇寺上
壇將加冠崙直受冠自加眾異其舉動於是封姻戚
及有勲諸將將相諸大臣多列侯爵翌年至米蘭府
行兼王以太里之式發使宣告各國英人以為背約

不敢徹馬爾他島兵崙知各國私懷異議將伐英以
戰勝之威賜服各國備兵十五萬軍艦千二百餘艘
軍發有日以海軍督將未得其人寢之

破澳魯連盟軍

千八百五年英魯謀法澳亦與之合兵五十萬軍費
一出於英其勢頗盛是為第三連盟崙將乘澳未備
衝其咽喉以兵十八萬大砲三百四十門陣多腦河
上絕與耳摩城通路澳兵進美尼克崙一戰敗之十
月十七日與耳摩城將莫格窘窮乞降出兵二旬澳
兵八萬悉為法有魯軍屯因河與澳軍合見法兵難

犯退莫刺威十一月七日澳帝駐阿爾美指揮各軍
九日法軍進入維納分軍為二一軍備維納一軍付
太伯攻弗列比匈牙利請曰若聽中立則不敢助澳
許之美羅以騎兵渡多腦河襲澳魯軍走之十八日
崙進拔佐納摩魯軍棄病兵糧食走塞波知尼追躡
戰于莫刺威平原擒二萬人美羅取普爾廿日崙入
普爾納取弗利仙伯爾土徇以克羅界上澳魯合兵
十萬保阿爾的魯帝第一世亞壁山亦來會是月廿
三日崙以兵七萬進攻崙知魯兵驕夜間退軍十里
築壘列柵為恐怖狀魯軍果嘲笑為法十二月六日

魯澳兩帝進陣澳斯的魯將幾地曾作五縱隊魯帝
弟孔坦下以遊軍陣營後崙上高丘望見敵營有喜
色曰不意渠為我釜中肉焉乃部署諸將蘇耳羅安
將左右翼伯爾土將中軍美羅將騎兵出左翼中軍
間崙與伯的爾的能上一將率親衛兵十聯隊及選
兵十六隊為遊軍翌日平明兩軍接戰砲火電發烟
焰漲天崙望見幾地曾戰狀曰可乘潛軍衝其中堅
魯軍果亂同盟各軍奔赴救之法軍將士精練操縱
適機魯軍辟易兩帝親出督戰勢不能支至黃昏大
潰兩帝牙營亦皆為法兵所蹂躪魯國旗一條旌旗

秘獨為首相
十七年感商
業推勳敵能
令國人。不添
法人所唱有
名無實其和
論傾家財。賠
國計。死日負
債巨萬。雖不
終其志。實為
一時賢相。

四條大砲百二十門。將校廿人。兵士三萬。皆歸法手。魯帝收散卒。北遁。全澳震動。遂割威尼斯地方。行成。崙以拿破爾王。破泊英魯軍艦。放之。西治里島。封兄約塞普。為拿破爾王。千八百零六年七月。日耳曼列侯推崙為盟主。稱曰萊因。協盟。於是澳帝去。日耳曼帝號英相。秘獨聞澳魯之敗。憤懣病卒。牧克繼攝外務。專謀和法事。不成。卒。英法怨隙愈深。自千八百零六年。至千八百一十二年。破普魯連盟軍。普漏生王弗勒力第三。不直崙所為。將舉兵助澳魯。

安元帥不倫
瑞克侯老毫
不堪軍務副
將波身羅伯
輕躁無兵略
將校皆欲縊
普皆危殆我
裝皆襲舊式
恣然自大無
復奮發當大
事者。是所以
連戰取敗。

是役法人凌
辱普人特甚

會澳魯大敗。乃和法。崙遇普王太簡。普人不悅。及崙主。萊因。協盟。遂與魯英合從。敵法。是為第四連盟。普兵十五萬。王與其妃及弟路易各將一軍。崙日講。魯普地理。與諸將議戰略。曰。不出三十日。翻我旗於伯靈府。是歲九月二十四日。法兵十萬。進臨普境。美羅伯爾土將中軍。納蘇耳羅安。澳西魯將左右翼。十月九日戰。西列土。十三日相持于熱那。彼我哨兵相接。納蘇耳。晝夜進兵。平明布陣。原上。兵二十五萬。大砲七百門。吶喊。鬪。紅血成雨。普軍之勇將。死亡二萬餘。元帥弗林威侯及路易皆傷。耳地耳戰死。廿七日。

蹂躪音先王
勿烈力墓倉
其寶劍音人
無不憤惋

日耳曼小邦
多蒙兵簡獨
薩撒尼增地
進王號崙意

法軍入伯靈府獲俘虜十四萬。旌旗五十條。大砲四
千八百門。出兵一月。果如所謀。普王策窮。割地絕英
國貿易。以和。十一月崙渡阿得河。入華爾所威。魯帝
驚愕。以榜難乘。為元帥備伯地克。十二月廿六日。我
兵襲伯地克。不利。千八百七年二月八日。攻埃羅魯。
兵死傷三萬。我兵半之。崙見橫尸狼籍。紅血染雪。慘
然有悔色。曰。戰鬥豈為人父母者之為乎。而竟不能
復其言矣。六月十四日。魯帝親出督兵。激戰數合。不
利。請休戰。廿五日。法魯行成。於的里西。普王亦來會。
七月九日。兩帝會見。賀和成。尋班軍埃羅之捷。崙既

法蘭西志卷八 拿破巴兵紀

將令之偵察
列國動靜也
是時里查爾
爾諾亞三氏
創綿糸製造
局阿伯法
底耶謀二氏
開局織洋布
製查耳查耳
婦女背飾
的牙發明織
綳糸器織布
爾斯查希陀
二氏始以葡
萄華製
舞自是各種
不獲仰他產

服普魯威名。歷全歐。咸起土木。修道路。繕橋梁。飾宮
室。街衢。鎔社。戰所獲大砲。造一大銅柱。閱博覽館。陳
列所獲。于以太里。日耳曼之名器珍寶。語天下之壯
麗。太觀者。以巴勒為第一。
再敗澳軍
千八百八年。崙討西班牙叛民。澳帝將乘間償前敗。
募兵三十萬。徵鄉勇兵及匈牙利兵二十萬。以第查
列為元帥。屬一軍。弗爾難入波蘭。屬一軍。第約翰入
以太里。是為第五連盟。崙乃募兵二十五萬。千八百
九年四月十七日。大舉陣。因取他。十九日。太伯破澳

去國西志卷八 拿破巴兵紀 再敗澳軍

先是西國王
致國王及太
子逼奪其位
封其兄為西
王又討葡國
牙通英商葡
王珠英艦逃
南亞米利加
巴西西葡
國大怒起兵
抗法英國援
之普澳亦有
異謀蓋乃見
魯帝于普國
惠爾彼耳置
酒高會論攻
守大略意見
頗合於是出

軍於弗列克崙將波巴里威典比兵襲路易計列爾
一將破之獲澳國旗八條俘虜八千進拔蘭土約廿
二日與查列軍十一萬相持于以格謬崙見敵左翼
陳散地遣羅安擊之澳軍大敗查列驅駿馬僅免追
躡至拉地木城自壁竇進城兵砲擊羅安挺進呼曰
見勇士所為全軍群進混戰市街中火起城兵指一
硝藥車呼曰火點則兩軍粉齏移車再戰死亡八千
棄城走澳軍開戰五日失兵六萬大砲百門五月十
日進陷維納澳帝遁比他查列以兵十萬陣多腦下
流廿日我將摩塞那以兵四萬陣河岸查列來襲防

兵西國專事
西略

戰不利兩軍爭亞斯伯連日廿三日烈戰自朝至暮
河橋中斷我兵死者一萬六千人羅安以下八將或
死或創崙深歎惜之遂棄亞斯伯會武熱內破澳軍
於以太里來援軍氣大振澳帝更募兵十五萬付查
列挾河對壘澳軍焚浮橋隨焚隨修澳軍迴柵以備
七月四日夜崙乘風雨架四橋翌曉全軍十五萬自
四橋進查列畫策齟齬悉失諸砲臺六日兩軍血戰
崙乘隙衝中軍諸將繼進澳軍大潰死傷二萬四千
獲旌旗十條大砲二十門降虜一萬二千十日蹙查
列於佐納摩破之澳帝無所出重聘請和十月十四

日盟于維納割地及民口三百五十萬認萊因協盟
 絕英國貿易一如法所要翌年四月一日聘澳帝女
 馬理為皇后行婚之夕樂半火起國人以為不祥崙
 之未得志聞童子武熱納訴亡父冤異其舉止尋見
 其母戎塞容色艷麗納之戎塞敏慧好仁惠左右規
 諫頗有內助至是歲四十無子崙思繼嗣之重將有
 所聘乃置之馬米遜歲給二百萬弗稱后如故論者
 少崙不終情好武熱納屢樹軍功崙特寵任封為以
 太里王

墨斯科之敗

野口之布曰
 婚夕失火陣
 頭墜馬難出
 偶然然其志
 驕意滿不少
 戒懼可見且
 國人之為不

崙以英海軍難敵將閉其貿易窻之千八百六年與
 澳魯各國盟于的里西禁英商出入各港名曰大陸
 封港羅馬葡西三國陽奉其約偷通英商崙屢數其
 違約遂不能得其志崙弟路易為荷蘭王愍其民破
 產又許英貿易崙怒奪王位併荷蘭於法至是瑞魯
 諸國亦不便封港公然與英通商的里西之盟遂破
 崙將大舉挫魯勢以威懾各國千八百十二年六月
 廿二日閱軍尼緬河上其衆六十四萬巨砲一千二
 百門普兵為左軍馬格那將之澳兵為右軍西華潛
 將之崙自將中軍二十二萬濟河馬蹟墜地人以為

法蘭西史卷六

亨利四世 墨斯科之敗

祥者起於其
心生疑懼則
墨斯科之敗
既兆於此矣

波蘭歐土一
舊國國民黨
爭政綱衰敗
屢為首國所
駸削千七百
九十五年墜
魯普三分其
土國全亡

不祥。進入魯疆。魯人四匿。不見一卒。蓋將誘致之。荒
漠原野。乘其困阨也。法人不之覺。廿八日入波蘭。宣
告復波蘭國。國人大喜。爭起義兵。應之。略斯莫稜威
斯馬各地。每戰皆勝。長驅逼墨斯科。魯人火沿道府
邑據險。構堡障。列架巨砲。以護原上各營。九月七日
攻波魯那砲臺。魯軍盡銳防守。我兵二取二失。將校
死傷四十七名。一騎兵潛出臺背。斃砲兵。遂拔之。魯
兵健鬪不屈。徐作圓陣。不敢亂其隊。此日魯兵死者
六萬。而法兵死一萬。傷二萬。十四日入墨斯科府。為
魯舊都。府民奔竄。法人肆意鹵掠。至夜休舍。夜半火

起。暴風颺發。火勢愈烈。宏厦通衢。延燒五日。法軍
露卧。焦原凍風。裂面糧運不繼。崙不得已。請和。魯人
不聽。十月十九日。崙以兵十三萬。巨砲六百門。匆皇
就途。魯帝督軍躡尾。遣將幾地。曾截前路。法軍行曠
野中。連日大雪。不辨道路。數壇卧雪。四肢凍麻。僵死
相繼。部伍散亂。號令不行。其精練稱強。天下者。至此
一敗塗地。所在民丁羣起。風聲鶴唳。枯木朽株。悉為
一大勁敵。十一月九日。達斯莫稜。累敗之餘。兵氣沮
喪。武熱納納二將。手銃奮鬪。以闕歸路。崙稱納戰狀。
曰。勇中最勇者矣。至伯西那河。大砲輜重。群渡爭橋。

野口之布曰
一麾震蕩全
歐一敗亡數
十萬忽與忽
蹟古今萬國
所未有各篇
駕來筆力飛
動足見作者
苦心處

橋毀追兵砲擊橫尸山積十二月四日達西莫尼有
報曰國內黨人乘敗謀亂乃委軍美羅乘橈晝夜雪
行十八日入巴勒此役戰死十二萬五千凍死十三
萬二千為俘者十九萬三千生全免歸者四萬二千
人而其能携兵仗者僅千人法國精銳一挫殆盡而
法人強悍猶謂前日之敗全因天時人思雪辱丁壯
應募者二十五萬人

自千八百十三年至千八百五十二年

同盟各國流裔厄襪島

千八百十三年魯帝進入伯靈府普人歡喜皆曰喧

乘是機絕法普王居間謀和崙不聽乃與同盟各國
合四月十五日崙率新募兵發巴勒五月破普魯於
勒安牧幾克諸所伯地爾地魯克二將死之魯普請
休戰六旬允之澳人勸崙割新附日耳曼地以和不
納於是英魯澳普瑞西葡七國同盟敵法此為第六
連盟其與法者連抹荷蘭以太里波巴里撒遜萊因
協盟國八月廿六日連盟軍攻德停崙來救破之擒
二萬五千人魯將亞德曼普將伯路捨兒瑞典太子
伯爾上合兵來擊我兵不利十月十六日對壘于列
普西戰連三日威丁山撒遜十七隊叛應敵軍中訛

法蘭西志卷六 亨利二世 十七
言互相猜疑日沒收軍。崙猶率麾下苦戰。至十九日。敵勢日盛。遂徹兵。崙令軍斷河橋。軍吏先期毀橋。後軍無可渡。摩士驅馬。泅度大砲二百五十門。死傷十二萬。驍將十五名。悉委敵地。先之英將。密林登破法軍。在西班牙者。進侵法疆。所在群應。荷蘭連林拿破爾亦告絕。連盟諸國。勸崙割地。行成不聽。澳軍將襲巴勒。崙設疑兵怖之。有一友者漏謀。同盟各軍留一軍備崙。並進向巴勒。崙不之覺。相持累日。始知為其所欺。返軍葡典堡。同盟各軍六十萬。既圍巴勒。巴勒守兵二萬。人心離散。軍器匱乏。防戰二十四時而陷。

法俗爭勝之
持重氣象可
以紛々擾々
成今日之形
勢也

崙麾下聞巴勒不守。逃亡相踵。崙猶欲進戰。諸將諫止。請和。各國恐崙再得志。不聽。尋逼崙禡帝位。流厄濊島。是為千八百十四年四月。法人迎十六世路易王弟於英。即王位。是為十八世。路易定四疆。吟域如革命前。厄濊地中海一孤島。崙既至。嚴守備。勸耕耘。閱貿易。英氣不少屈。而法人歎國威屈辱多。慕崙威時。武官最不服。新王國內分為數黨。

崙復帝位

崙與法人嘗寄腹心者。偷通聲息。謀復位。宰相曾爾士主是謀。法人亦憤同盟各國多違條約。黨之者日

普魯國王以下會雅也納日議疆域分割之利害一日設饗宴樂舞方竹俄得命復巴理之急報舉坐愕

衆其徒以紫色為標榜遠近爭倣婦女粧飾亦至以紫色為時樣千八百十五年二月廿六日崙率衛兵九百乘夜發島三月一日達不羅温五日入甲普國入響應十日至美由爾守兵出拒崙祛衣指胸呼曰任汝等槍刺守兵投銃呼萬歲至里昂府民爭出崙嘗所褒賜三色帽纓以表其誠新王路易遣將軍納于美倫禦之十日聞馬蹄震地舉軍錯愕忽見一輛輦車馳下峻坂視之則崙坐中央德克阿伯爾蘭陪左右也衆羅拜唱萬歲納乃進見陳無他崙巡行陣中慰勞如平生是夜入巴勒新王以衛兵五百出走

胎頰無生色宛如一大破裂彈墜頭上倉皇散會是為三月七日

崙以共和黨致力復位舉黨魁扶塞加爾塞碼塞列等為相制定憲章曰上帝出帝選用世襲貴族下院出氏撰五年更任委徵稅

崙直入宮行復位之禮是為二月廿日新王黨煽動國民無應者四月廿七日都鄙發砲以祝崙復位同盟諸國會維納者急會兵二十五萬議討伐崙遺書以陳情由不達尋頒布同盟諸國違條約各件

崙終於聖尼勒那島

同盟各軍一百萬進臨法疆崙先各軍未會欲入此利時出普軍不意部署大砲三百五十門兵十三萬最之曰累敗之餘何以立天下宜求一生萬死之外為國家立一大功六月十五日與納蘇耳諸將擊走普軍於聖伯爾遣貝魯西尾擊之英將空林登將援

之權於下院
又設抑裁帝
權條件而共
和黨猶不滿
其望有陰謀
廢黜者扶
塞亦通壤相
謀願崙崙忍
其激黨人權
傳其刑
窩德祿負門
撒惹小丘為
比利時咽喉
前年究林登
檢視地勢知
其為要害也
全軍于此
英國史稱究
林登為人為

普兵途為納所扼十七日暴風雨哨兵兩立達曉十
八日崙攻究林登於窩德祿英軍九萬布陣一里半
法軍七萬二千布陣二里各備大砲三百門崙幸普
軍未至進左右二翼挑戰崙弟的羅莫破英右翼究
林登作方陣中央設列大隊之地陣法整然崙縱騎
兵衝之敵陣忽離忽合出沒變化不失一步崙深歎
其熟練烈戰數合英軍遂敗砲車輜重道路填塞將
佐交勸究林登收軍不聽曰有死而無退接戰愈烈
普將伯魯以兵三萬來援崙不之覺聞銃聲起山背
曰無乃具魯西歸援乎伯魯自間道衝法右翼崙遣

勝拿帝觀窩
德祿之戰而
後知非其言
阿所好也

騎兵擊走之納以遊軍四聯隊破英將不倫威黑隊
全軍作氣奮鬪究林登以衛兵一聯隊伏一埠下乘
機突起法軍愕眙躊躇英軍據埠奮擊砲射無虛發
會普將伯路捨兒生兵三萬來助軍氣百倍勢如怒
濤捲地崙俄作方陣抗之遂為其所乘將汗伯倫率
所部奮戰又敗崙切齒將決死諸將固止之此日法
軍血戰數十合將卒皆疲火藥已盡至暮敗卒四逃
全軍瓦解崙拊膺太息曰吾事已矣僅以從騎免普
軍代英軍追躡崙馳入巴勒將讓位太子請和議論
紛起事未決同盟各軍已進入巴勒崙將乘間逃亞

墨利加以英哨船警海不果乃投書英相乞哀曰崙
 得怨內外國人困阨流離事至此極最強最仁大英
 政府殊屈嚴典幸賜收恤令崙得保全餘喘同盟軍
 議流亞非利加聖尼勒那島崙在島六年歡然自適
 意氣如常日與二三親信馳馬出遊以遣常使刺加
 塞蒙士倫二人記其戰蹟後人得詳崙之平生者實
 賴是書後為英鎮將比士遜所凌侮鬱鬱成病不復
 服醫藥千八百廿一年五月五日暴風雨飛石折樹
 此日瞑然長逝歲五十二崙才長治國政無大小親
 自治理日間事務剖決不遺案牘山積條分縷晰各

野口之布曰
 古今英雄規
 摸大者不習
 心於細事獨
 拿帝攻略之
 暇用心於吏
 務定五法創
 統計學精到
 周悉各國奉
 為模範是拿

得其情知人善任官適其職自處淡泊不為虛飾吏
 胥賤卒款然延接所言有理一々採用有不可者諄
 々訓誡俟其服理而後止飲饌不貪厚味雖食後心
 神清爽不害理事就寢穩眠如嬰兒眠過一時終日
 疲勞悉復或不眠累日精力不少衰其遇將士情誼
 懇到親如父子健將猛卒感恩思義軍麾所指電發
 風馳爭致死力未曾一蹉跌唯得志以後喜大伐功
 佳真不艾遂至衰弊家國自取流謫之禍焉而規畫
 精密功績彰著能令後人欽慕風采稱揚偉跡忘其
 為驕主可謂曠世之雄也崙死後法人追慕不措千

帝之規模所以異他英雄

一技華能取歐羅巴第一英雄掀翻弄不止盤丸天爵之用筆猶拿帝之用兵無堅不摧真希代之偉觀

八百四十年十二月十五日。以皇帝之禮迎葬。諸利寺院國王非立第一。率文武百官臨葬。國中男女無不愛悼。千八百五十二年。崙姪路易即帝位。此為三世拿破崙實為荷蘭王第三子。

論曰。拿破崙起一武冕。取埃及。略以太里。挫普澳。脅英魯。能使歐巴羅全州靡。其威風規模之宏。威武之赫。亞歷山塞撒以後一人而已。余特惜其徒恃攻城野戰之力。逞摧堅挫銳之威。戰鬥愈勝。而國力愈疲。威武愈揚。而智力愈窮也。余觀古來英雄用兵。立功於天下者。必用諸不得已者也。何謂不得已。禹之

野口之布曰。以得已不得已。二語論破崙失策。明辨痛快。筆鋒犀利。但其用諸不得已者。談何容易。嬴秦司馬晉亦忍可已而不已者。余意如華威頓之禦兵。而後可曰用諸不得已。歟。高意以為何如。

行水是也。禹疏江淮。河漢。豬彭蠡。巨澤。皆因水勢之不得已者。而疏導之也。崙之用兵於埃及以太里。則似矣。若夫英魯普澳。皆與法匹敵之國。而崙徒以兵力與之角逐。余味知其出於不得已與否也。夫普澳之所以敢敵法者。以英魯為之後也。英魯之所以敢為普澳之後者。恐普澳一亡。其禍轉及我也。故為崙計。其將伐澳魯。無若與埃及若。以太里於英。以離其同盟也。普澳已服。則割普若澳於魯。結其歡心。而後從事於英國。英國已服。則魯非其所患也。而崙計不出。于是將盡取天下之敵已者。草薙禽獮。諸一擊之

天爵草是篇以稿本示余疑引豐公頗不倫天爵味曰我苦心點出豐公以結是篇亦尊內賤外之意不然何異尋常洋學者流譯洋書者亦可


下此猶治水者塞江淮河漢涸彭蠡巨澤不特徒勞無功將見潰決四出并前功失之墨斯科之敗一挫不振甘受敵制鬱々死於絕海孤島皆由用兵不得其道而已嬴秦并六國實用遠交近取之策司馬晉之一三國先堅吳交而後出兵於蜀此皆因天下之不得已者而疎導之者故功成之日天下貼然無不服其神算也以崙之聰明絕倫其智不及於此豈非天乎世有以我輩太閣比崙者太閣鞭撻群雄戡定亂略震威于海外殆不讓崙武也而掌握太權富貴終身與崙異其成敗者無他其經營四方先智略而

以知用心細密也

後用兵也

法蘭西志卷之六 終

法蘭西志卷之六 終



法蘭西志後序

自龍門創祀傳統作白奴西南法書傳
 歷世正史為之外國傳善以邊激豫備
 之廣而可謂之亦也然而之教華
 事至派在唐造其史記焉子子亦
 人譯由多略所傳辛文多倫平實有以
 字由同學之英國以慎之今日於且不語
 外國事情或挑擗以者敗之矣至此

生史氏述述之云亦或余友岡天爵
 有悅于此乃曰方今泰西諸國出日
 再窮理為志以高強其國而我民人
 因地自安其志亦安其壤間有現佛地
 特之事出於人何以自奮國何以自立
 厥國字譯西書之文字其書者其尾
 缺裂其志人志之國形情雜其因
 致惜譯西書之心者世亦譯其志

今又其上總高橋主毅譯佛國志以
 刊行當的核實法既與敗之這廢了
 指當以法來利望志更加精其甚
 歎發勵人之意可謂勤矣抑其人
 其心其著作為性有善其史書勿
 論紀傳編年私史野乘連篇雜示
 續率皆換既更面局之架屋其
 於世也人心無失損是也乞天爵

別開一疆域於海外以通遠跡官之
文叙新章希親事維恒著為冊
未足大健筆力之筆之極實又文之
明堂可以存之不朽惠及學地亦今
廟堂越拍擊之語採域外之譯典
海而列國講親脩睦之使之使來
物貨之貨遠其江河之來教之生
後之使學若背相望而踵其後之

謂盛乎然物極則變敝至則及庸
記志百歲之平親者易疎曠者易
暇方物亦交之美不為絕礮震之
豪凌凌者宜詳按我強弱之
所在以為今日用物集經之基而
供他事一守德宗及取之備焉是
天爵者書之志也歟

明治十年八月

本原元禮撰并書



Faint, ghostly calligraphic text visible through the paper from the reverse side of the page.



